

社320
83

第



八旗通志初集卷之二百十六



勲臣傳十六

正紅旗蒙古世職官

龔額

吳爾哲圖

來渾代
顧什

薩拜

子滾木布蕭

達賴

阿邦

叔之子武喇岱

雅玳

子和瑞

昂阿

孫阿爾納

色爾古倫

穆賽

岳師保

班第

海色

塞洽

圖虎齊
布雅錫

沙濟

彰僖

色楞

色雷

巴特瑪

孫達禮

阿爾善 希第

巴圖蒙庫

明安達禮

博爾波孫

見忠烈海 色傳

馬尼

見忠烈甘濟泰傳 下同

宜思哈布

巴雅思呼朗

見忠烈拜渾岱傳 下同

博倫特

巴馬塔爾

見忠烈季喇 泰傳

喀穆布

見忠烈阿理 莫傳 下同

格勒爾圖

鑲白旗蒙古世職官

賈慕蘇巴圖魯

諾門

弟之子達雅布

鄂思祜塔布囊

子齊

噶爾圖

子阿玉璽

託克託慧

滿韜

綽克圖

巴雅爾

族子三雅圖

張努

滿都祜

阿齊圖

劉麟圖

諾穆渾

溫都爾祜

赫爾博兌

敦柱

卓禮

博託和

子吉穆德

孟古珥

費揚古

託克託和

噶爾圖

沙禮

塞爾古楞

鄂爾和岱

索嫩

塞格

喇布克

沙爾湯

見忠烈沙門傳

塞楞多爾濟

見忠烈阿畢達傳

鑲紅旗蒙古世職官

喀喇爾岱

花色

哲僧

額爾濟圖巴圖魯

子噶布喇

納爾泰

多羅伊

充吉爾

弟多爾濟

鄂爾錦巴圖魯

羅邦

多爾濟

色納克

弟拉薩希

生格

單巴

子查穆素

褚布顧爾

鰲巴

瓦爾大

岳孫岱

巴勒遜

鄂色

蘇玉克圖

殷札納

顧英和善

海色

子拉錫希

阿集思

巴那吳爾占

龔額。蒙古正紅旗人。其祖古魯達蘇爾海。係蒙古察哈爾林丹汗之嘉叟兒寨桑。林丹汗敗逃。達蘇爾海率所部一百二十戶。同德參濟旺來歸。崇德元年。授一等甲喇章京世職。旋卒。以龔額伯父阿慕護朗襲職。順治七年。九年。三。迨

恩詔。加至二等阿思哈尼哈番。阿慕護朗卒。以其子阿齊圖襲。阿齊圖卒。龔額始襲祖職。康熙二十九年。從撫遠大將軍伯費揚古。由西路征厄魯特。噶爾丹奮勇前進。敗賊有功。三十六年。議敘。給一拖沙喇哈番。合原襲之職。加爲一等阿思哈

八旗通志 卷二百一十六
尼哈番。

吳爾哲圖。蒙古正紅旗人。姓卓可氏。世居科齊特地方。崇德三年。從貝勒杜度。征明。至山東。用雲梯攻昌邑城。奮勇先登克之。四年。敘功。授半個前程。世職。同旗有來渾岱者。順治元年。以甲喇章京。從睿王多爾袞。入山海關。擊流寇有功。二年。議敘。授半個前程。世職。七年。遇

恩詔。加世職。爲拜他喇布勒哈番。又有委署章京。顧什者。亦於是役在事有功。授半個前程。世職。

薩拜。蒙古正紅旗人。姓哈勒起。塔特氏。世居瓦爾計葉赫地方。初任牛录章京。崇德六年。隨鄭親王濟爾哈朗。征明。圍錦州。敵兵來犯。同梅勒章京安達禮。敗之。敵兵據松山之巔。拒敵。復擊敗之。順治元年。從睿王多爾袞。入山海關。擊流賊有功。二年。授牛录章京。世職。七年。九年。三遇恩詔。加至二等阿達哈哈番。卒。子滾木布蕭襲職。康熙二十九年。滾木布蕭從撫遠大將軍伯費揚古。征厄魯特。噶爾丹。由西路奮勇前進。敗賊有功。三十六年。議敘。加一拖沙喇哈番。爲一等阿達哈哈番。

八旗通志 卷一百一十一
達賴蒙古正紅旗人。初以白身。於崇德八年。隨貝勒阿巴泰征明。至山東。以雲梯攻新州。首先登城克之。

賜號巴圖魯。授拜他喇布勒哈番。病卒。子阿南襲。康熙十四年。從征逆藩耿精忠。五月。隨都統喇哈達擊賊於石塘。奮勇力戰。遂歿於陣。仍加一拖沙喇哈番。

阿邦。蒙古正紅旗人。姓博和羅特氏。順治元年。以牛朶章京。從睿王多爾袞入山海關。擊流寇。追至慶都縣。大破之。二年。隨英親王阿濟格。征敗賊至陝西延安府。屢敗賊衆有功。三年。授牛朶章京世職。七年。九年。三遇

恩詔。加至二等阿達哈哈番。尋卒。以叔父之子武喇岱襲。康熙十三年。武喇岱隨前鋒統領穆占。征逆藩吳三桂。敗僞帥石存禮兵於朝天關。十四年。從鎮西將軍席卜臣。擊僞將軍王屏藩等。賊兵於水路截戰。武喇岱力戰陣亡。十六年。議卹。加贈爲一等阿達哈哈番。

雅玳。蒙古正紅旗人。順治元年。以閒散章京。從睿王多爾袞入山海關。同葉克書等。屢敗賊衆。

有功。三年授半個前程世職。七年九年三遇恩詔。加至三等阿達哈哈番。尋卒。以子和瑞襲職。康熙十三年和瑞從征逆藩吳三桂至陝西。同副將張登科敗偽將軍吳之茂。彭時亨等於廣元縣。偽將軍王屏藩譚弘等引賊自漢中渡江來犯。復擊敗之。又擊偽將軍劉慶成。偽陳總兵俱破其衆。十七年從征南將軍穆占至湖廣。擊偽將軍杜輝等於洞庭湖之柳林嘴。連敗之。十八年進取湘陰縣。於九馬嘴地方力戰陣亡。二十五年議卹。加贈世職爲二等阿達哈哈番。

昂阿。蒙古正紅旗人。由空銜佐領。

國初定鼎燕京。隨睿王多爾袞進山海關。日擊敗流賊馬步兵二十萬衆。昂阿以功授拖沙喇哈番。順治三年卒。子達錫襲父職。三遇

恩詔。加至三等阿達哈哈番。病卒。子阿爾納襲。康熙十

八年十二月。出征逆藩吳三桂。至廣東韶州府。遇偽將軍馬寶等率賊萬餘。分爲五隊來拒。阿爾納率本甲喇兵擊敗之。復遇偽將軍武世宗等領馬步六千餘賊拒戰。又擊敗之。偽將軍范齊韓等率二萬餘賊。在陶屯地方設鹿角列象。

八旗通志 卷一百一十六
簾牌以進。並擊敗其軍。進征雲南。僞將軍何繼祖等迎戰黃草壩。旣爲所敗。而僞將軍胡國柄等復率萬餘賊出雲南城以拒。連擊敗之。敘功加授二等阿達哈哈番。

色爾古倫。蒙古正紅旗人。父莊托賴。在

世祖章皇帝時。任兵部理事官。順治四年。以五載考察。辦事有能。授半個前程。世職。七年。九年。二遇。

恩詔。加至三等阿達哈哈番。卒。色爾古倫始襲父三等阿達哈哈番。順治十一年。從定遠大將軍世子濟度。征福建海賊鄭成功。破其舟師六百餘隻。

於澄浦畧地方。康熙十六年。從征南將軍穆占。由陝西至湖廣。征逆藩吳三桂。敗賊將王國佐兵萬人。十七年。從揚威大將軍簡親王喇布。敗吳逆僞將軍胡國柱等於永興縣。二十年。隨征南大將軍賴塔。由廣西進雲南。平逆孽吳世璠。在事有功。二十五年。議敘。加一拖沙喇哈番。合原襲世職爲二等阿達哈哈番。同旗有佐領穆賽者。亦於是役在事有功。授拖沙喇哈番。

岳師保。蒙古正紅旗人。姓博爾吉孫氏。世居卓魯克地方。其叔祖色本。由口外來歸。順治四年。

特恩賜給拜他喇布勒哈番世職。七年遇

恩詔。加一拖沙喇哈番。是年卒。以色本弟布雅慕襲職。

九年遇二次

恩詔。加至二等阿達哈哈番。康熙十四年。布雅慕卒。以其兄之孫黑子襲職。康熙十九年。黑子從征南大將軍賴塔。征逆孽吳世璠。二十年正月。攻石門坎。力戰陣亡。以色本伯父之孫陳生襲職。陳生。岳師保之父也。陳生襲職。逾年卒。岳師保始襲世職。康熙三十五年。從撫遠大將軍伯費揚古。征厄魯特噶爾丹。由西路奮勇前進。敗賊。有功。三十六年。加一拖沙喇哈番。並原襲世職。爲一等阿達哈哈番。

班第。蒙古正紅旗人。姓吳朗甘氏。世居楊什木地方。初任牛录章京。順治九年遇

恩詔。授拜他喇布勒哈番世職。十年。從靖南將軍朱瑪喇。征廣東。擊僞安西王李定國兵於新會縣。連敗之。追至橫州江邊。定國引兵萬餘逆戰。復大敗之。十三年論功。加一拖沙喇哈番。同旗有海色者。順治十一年。以委署章京。隨寧海大將軍宜爾德。征浙江舟山。擊僞英毅伯阮思僞總制

八旗通志 卷一百一十一
陳六御等在事有功。授拖沙喇哈番。

塞冷。蒙古正紅旗人。姓巴林氏。世居科爾沁地方。順治十五年。以牛彖章京隨梅勒章京噶褚哈征偽桂王至貴州。十六年。凱旋至江南。遇海賊鄭成功。引舟師來犯江寧。隨噶褚哈會同本地官兵破賊。順治十七年。論功。授拜他喇布勒哈番。同旗有圖虎齊者。康熙十四年。以護軍校從定遠平寇大將軍安親王岳樂征逆藩耿精忠至江西。有賊首邵連登等。領衆萬餘逆戰。率本甲喇兵連擊敗之。又敗賊衆於景德鎮。沉香山。來龍山等處。俱在事有功。授拖沙喇哈番。又有委署章京布雅錫者。亦於是役在事有功。授拖沙喇哈番。

沙濟。蒙古正紅旗人。康熙十三年。以七品官從前鋒統領穆占征逆藩吳三桂。由陝西進四川。破偽總兵石存禮於朝天關。十四年。從鎮西將軍席卜臣擊叛鎮王輔臣之子王屏藩。及偽將軍吳之茂等於蟠龍山。娘娘廟。張飛廟。槐樹驛等處。敗賊五次。並在事有功。十六年。議敘。授拜他喇布勒哈番世職。同旗有驍騎校彭僖者。亦

於是役在事有功。授拜他喇布勒哈番世職。色楞蒙古正紅旗人。姓薩魯特氏。世居巴林地。方。康熙十七年。以委署叅領。隨征海寇至福建。十八年五月。隨平南將軍賴塔。敗僞將軍劉國軒兵於郭塘盤圍山。太平寨等處。二十年。從征南大將軍賴塔。征逆孽吳世璠。敗賊於黃草壩。師抵雲南。會同三路大兵。平定逆孽。在事有功。二十五年。議敘。授拜他喇布勒哈番。同旗有驍騎校色雷者。亦於是役在事有功。授拖沙喇哈番。

巴特瑪。蒙古正紅旗人。康熙二十年。以護軍校。從征南大將軍賴塔。征逆孽吳世璠。由廣西進雲南。破僞將軍何繼祖等。於石門坎。復安籠所。復敗於黃草壩。擒賊一人。師抵雲南。隨三路大兵。平定逆孽。又從都統希福。提督桑額等。勦僞帥馬寶。巴養元等。於烏木山。大破之。尋卒於軍。二十五年。論功。贈拜他喇布勒哈番。

孫達禮。蒙古正紅旗人。康熙十四年。以委署叅領。隨信郡王鄂札。討叛逆察哈爾布爾尼於大魯地方。屢敗賊衆。十五年。隨征逆藩吳三桂至

江西。敗僞總兵唐配勝等。於老莊地方。尋卒於軍。二十五年。敘功。贈拖沙喇哈番。同旗有阿爾善者。康熙五十九年。以三等護衛。委署護軍叅領。從定西將軍噶爾弼。平定西藏。敘功。授拖沙喇哈番。又有委署火器營章京希第者。亦於是役在事有功。授拖沙喇哈番。

巴圖蒙庫。蒙古正紅旗人。康熙三十五年。以佐領。從撫遠大將軍伯費揚古。征厄魯特。噶爾丹。由西路奮勇前進。敗賊有功。三十六年。議敘。授拖沙喇哈番。同旗有員外郎明安達禮者。亦於是役在事有功。授拖沙喇哈番。

右俱正紅旗蒙古世職官

賈慕蘇。巴圖魯。蒙古鑲白旗人。姓奇爾果特氏。世居察哈爾地方。

國初來歸。授爲旗長。天聰九年四月。同喀爾喀瑪錫翰。沿海邊緝訪。獲漢人捕魚船二隻。殺一人。生擒二十人。崇德八年。隨奉命大將軍貝勒阿巴泰。征明。至山東。以雲梯攻濱州。奮勇先登。克其城。授牛錄章京世職。

賜號巴圖魯。順治七年。遇

恩詔。加授世職爲拜他喇布勒哈番。兼一拖沙喇哈番。諾門。蒙古鑲白旗人。姓德特齊特氏。世居英郭和洛地方。天聰八年五月。以辦事有能。不違指使。授牛叅章京。世職。順治七年遇。

恩詔。由拜他喇布勒哈番。加一拖沙喇哈番。世襲罔替。卒。以弟之子達雅布襲職。九年遇二次。

恩詔。加至二等阿達哈哈番。十一年。達雅布隨靖南將軍朱瑪喇。征廣東。同阿齊圖。擊僞安西王李定國。步兵兩戰俱敗之。敘功。加世職爲一等阿達哈哈番。

鄂思祜塔布。囊蒙古鑲白旗人。姓吳里楊嘎氏。世居喀爾沁地方。初自喀爾沁來歸。任牛叅章京。尋以征松山等處軍功。授半個前程。世職。卒。長子諾穆齊。襲拖沙喇哈番。次子齋桑。襲牛叅章京。順治十七年。隨定西將軍公愛星阿。至緬甸。阿娃城。獲僞桂王。在事有功。康熙十六年。從征逆藩吳三桂。攻長沙。力戰陣亡。贈拖沙喇哈番。

噶爾圖。蒙古鑲白旗人。姓吳喇哈濟爾默氏。世居遼河。初管牛叅章京事。崇德六年。圍明錦州。

城內兵來犯。隨梅勒章京超哈爾敗之。明松山兵夜犯鑲黃旗壕塹。同特玲擊却之。順治元年。從睿王多爾袞進山海關。擊流賊。隨固山額真吳賴步戰有功。二年。授半個前程。七年遇

恩詔。加授爲拜他喇布勒哈番。世襲罔替。八年卒。子阿玉璽承襲。九年遇二次

恩詔。加至三等阿達哈哈番。十一月。阿玉璽隨寧海大將軍固山額真宜爾德。征浙江舟山。擊敗僞英毅伯阮思。又敗僞總制陳六御等。擒斬僞總兵張晉爵。獲銀印一顆。十四年敘功。加二等阿達

哈哈番。康熙十二年。從征逆藩耿精忠。至江西圍撫州府。敗城內出拒賊兵。十四年三月。敗僞都督楊益茂兵於七里岡。十五年。從擊僞將軍馬寶於陳岡山。戰歿於陣。二十五年。贈一等阿達哈哈番。世襲罔替。

託克託慧蒙古鑲白旗人。姓譚開氏。世居察哈爾地方。初管擺牙喇章京事。崇德六年。大兵征明。隨兩翼合兵擊松山。敗敵一次。掘壕圍之。敵兵夜犯鑲黃旗汛地。同蘇爾德擊却之。八年。隨奉命大將軍貝勒阿巴泰。征明山東。凱還出關。

時同偏俄擊敗明吳總兵。順治元年。隨定國大將軍豫親王多鐸破潼關。敗流賊。賊遁往西安府。隨燾章京阿爾津。敦拜跡之。遇賊騎兵三百餘。盡殲之。二年。隨固山額真宗室韓岱。往攻嘉興府。敗城內迎戰步兵。又擊敗嘉興府城外駐立步兵。敵兵在河岸駐扎。又同布爾理。敗之。遂進圍嘉興府城。有僞王總兵郭總兵率衆來援。俱同納爾德擊敗之。三年。敘功。授半個前程。七年。九年。三遇。

恩詔。加至拜他喇布勒哈番。兼一拖沙喇哈番。

滿韜。蒙古鑲白旗人。原係多羅特貝子。投入明朝。駐防錦州。至崇德五年。睿親王多爾袞統兵圍錦州時。滿韜同吳巴什。諾木齊等率衆蒙古來歸。七年。授三等甲喇章京。世職。順治七年。九年。三遇。

恩詔。加至一等阿達哈哈番。兼一拖沙喇哈番。十一年。隨靖南將軍朱瑪喇。征廣東。擊僞安西王李定國於新會縣。十三年。議敘。加世職爲二等阿思哈尼哈番。同旗有綽克圖者。姓博爾袞氏。初亦爲多羅特地方貝子。投入明朝。駐防錦州。至大

兵圍明錦州時。綽克圖、同滿、韜等率衆蒙古投降。授三等甲喇章京。世職。順治七年、九年、三遇恩詔。加至一等阿達哈哈番。兼一拖沙喇哈番。十一年。從征廣東。與僞安西王李定國戰於新會縣。連敗之。尋敘功。加世職爲三等阿思哈尼哈番。巴雅爾。蒙古鑲白旗人。姓哈爾濟諾特氏。世居薩喇穆魯地方。崇德八年。隨奉命大將軍貝勒阿巴泰征明。攻利津縣。繼吳格塞。第二登城。克之。是年授半個前程。順治元年。隨睿王多爾袞進山海關。擊敗流賊。追至慶都縣。以功加世職。

爲牛录章京。四年卒。以叔父之子塔喇圖襲職。七年遇

恩詔。由拜他喇布勒哈番。加一拖沙喇哈番。世襲罔替。

康熙十八年卒。以塔喇圖兄之子三雅圖襲職。先是三雅圖任八品官。康熙十三年。以吳三桂耿精忠二逆藩叛亂。從定西將軍希爾根往征。至江西。擊僞總兵唐紀勝等於老莊。敗之。又敗賊首周官卜在功等。於曹家嘴馬鞍山。至沈公橋。敗僞中軍金思才、郭洪等。十四年七月。敗賊首顏君寵、蕭成等於浮梁縣。又敗僞副將張奉

桃胡遇春等於石機都。並在行間。十七年。隨護軍統領哈克山。擊僞將軍韓大任。陳堯元。李茂珠。於老虎洞河園口。屢敗之。十八年。襲叔父塔喇圖。拜他喇布勒哈番。兼一拖沙喇哈番。世職。十九年六月。隨鎮南將軍莽依圖。征吳逆。至廣西。擊敗僞將軍范齊韓。詹仰等。於柳州之陶屯。二十年二月。隨征南大將軍賴塔。擊敗吳逆。僞將軍何繼祖等。於石門坎。又敗之於黃草壩。直至雲南城。俱存事有功。二十五年。議敘。授拜他喇布勒哈番。世職。並原襲世職。加爲二等阿達哈番。准再襲二次。

哈哈番。其原襲之拜他喇布勒哈番。兼一拖沙喇哈番。仍世襲。罔替。本身所得之拜他喇布勒哈番。准再襲二次。張努。蒙古鑲白旗人。姓吳朗喀氏。世居鄂穆魯特地方。初管牛彖章京事。崇德八年。隨奉命大將軍貝勒阿巴泰。征明。攻取邊城。本牛彖兵丁。諾穆圖。首登。遂破之。遇趙軍門兵。隨梅勒章京。譚拜。擊敗其衆。至渾河岸。遇明步兵來拒。敗之。又隨譚拜。擊敗密雲八總兵軍。順治元年。隨睿王多爾袞。進山海關。同葉克舒。擊敗流賊。追至

慶都以功授牛彖章京世職。十一月從定國大將軍豫親王多鐸南征。進潼關。破流賊。隨固山額真恩格圖。殿後。流賊馬步兵兩次來犯。俱敗之。賊遁在西安府。張努隨燾章京阿爾津等往覓賊踪。遇流賊馬兵三百。盡殲之。二年。進至江南。賊黃蜚。王期勝。來攻常州。率本固山兵擊却之。又隨圖賴等。擊敗賊首毛大虞。隨固山額真馬喇希往宜興縣。至外橋。敗僞許總兵步兵四萬。進攻崑山縣。同格把庫。步戰敗其衆。三年。隨揚威大將軍豫親王多鐸。追滕機思。擊敗土謝圖汗。碩羅汗兵。四年。敘功。由牛彖章京世職。加半個前程。七年。九年。三遇

恩詔。加至一等阿達哈哈番。

滿都祜。蒙古鑲白旗人。姓烏霖氏。世居科爾沁。初任牛彖章京。從征黑龍江。獲丁壯二十人。順治元年。隨定國大將軍豫親王多鐸南征。至潼關。連破流賊第一營。第二營。遇僞王總兵於平和縣。同西蘭索木弼。擊敗之。二年。隨貝勒博洛。往征杭州。松江府兵拒戰。奮擊敗之。以功授半個前程。四年。以任郎中考績。又加一拖沙喇哈

番授爲拜他喇布勒哈番。七年九年三遇恩詔。加至二等阿達哈哈番。

阿齊圖。蒙古鑲白旗人。姓吳納穆爾氏。世居薩喇穆魯。初任牛叅章京。順治元年四月。隨睿王多爾袞進山海關。破流賊。又追至慶都縣。六月。隨固山額真覺羅巴哈納。石廷桂。往定山西。攻太原府。環視攻城之處。忽城內步兵出犯。隨官兵擊敗之。二年。至榆林。隨昂邦章京西忒庫。敗賊渡口守兵。又隨燾章京蘇拜。擊敗流賊。追至湖廣承天府。獲船二十隻。三年。從征四川。賊將

高汝礪。率兵駐立山巔。隨蘇拜擊敗之。又擊敗八大王張獻忠兵。正藍旗固山兵爲賊兵所迫。隨燾章京阿爾津。蘇拜。噶達洪。往援。擊敗其衆。又擊敗僞鍾總兵。五年敘功。授拖沙喇哈番。六年。從征叛鎮姜瓖。圍大同府。隨固山額真明安達理。兩敗賊兵。七年九年三遇

恩詔。加世職至三等阿達哈哈番。世襲罔替。十一年。隨靖南將軍朱瑪喇。征廣東。敗僞安西王李定國兵於新會。追之。有僞都督吳三省。楊誠。王三才。率兵來拒。隨梅勒章京畢力克圖。擊敗其衆。十

三年敘功。加二等阿達哈哈番。

劉麟圖。蒙古鑲白旗人。初任明朝山海關副將。順治元年。睿王多爾袞統兵入山海關。劉麟圖率衆開關迎降。卽從官兵擊流賊。追殺至慶都縣。尋授爲義州副將。攻破石城古塞。生擒蒼梅等賊首三名。盡殲餘寇。以功授三等阿思哈尼哈番。

諾穆渾。蒙古鑲白旗人。初任牛朵章京。順治元年。隨睿王多爾袞入山海關。擊破流賊。又追至慶都縣。六月。隨固山額真覺羅巴哈納等平定山西。攻太原府。連破其軍。十一月。隨定國大將軍豫親王多鐸南征。至潼關。擊敗流賊第一營第二營兵。又同布達什禮額參往偵賊踪迹。遇賊兵來戰。復擊敗之。三年敘功。授牛朵章京世職。

溫都爾祜。蒙古鑲白旗人。初任牛朵章京。順治元年。隨睿王多爾袞入山海關。同甲喇章京綽貝。擊敗流賊。追至慶都縣。隨固山額真富喇克塔。敗之。以功授半個前程世職。七年。九年。三遇恩詔。加至三等阿達哈哈番。同旗有赫爾博兌者。初爲

空銜章京。亦以從睿王多爾袞入山海關。擊敗流賊有功。授半個前程世職。

敦柱蒙古鑲白旗人。順治十五年。以護軍校從征雲貴。擊偽侯李成蛟等於涼水井。又擊偽安西王李定國等於魯噶地方。俱在事有功。康熙十八年。從平南將軍賴塔。征海寇。破偽將軍蘇國軒等於福建長泰縣夏坑歐溪。及郭塘盤踞山等處。又敗賊於太平寨。二十年。進征雲南。逆孽吳世璠。隨征南大將軍賴塔。奪石門坎黃草壩。破雲南城。又隨都統希佛。追吳逆偽將軍馬

巴特瑪。蒙古正紅旗人。康熙二十年。以護軍校從征南大將軍賴塔。征逆孽吳世璠。由廣西進雲南。破偽將軍何繼祖等於石門坎。復安籠所。復敗於黃草壩。擒賊一人。師抵雲南。隨三路大兵。平定逆孽。又從都統希福。提督桑額等。勦偽帥馬寶。巴養元等。於烏木山。大破之。尋卒於軍。二十五年。論功。贈拜他喇布勒哈番。

孫達禮。蒙古正紅旗人。康熙十四年。以委署叅領。隨信郡王鄂札。討叛逆察哈爾布爾尼於大魯地方。屢敗賊衆。十五年。隨征逆藩吳三桂至

江西敗僞總兵唐配勝等於老莊地方。尋卒於軍。二十五年敘功。贈拖沙喇哈番。同旗有阿爾善者。康熙五十九年。以三等護衛委署護軍叅領。從定西將軍噶爾弼平定西藏。敘功授拖沙喇哈番。又有委署火器營章京希第者。亦於是役在事有功。授拖沙喇哈番。

巴圖蒙庫。蒙古正紅旗人。康熙三十五年。以佐領從撫遠大將軍伯費揚古征厄魯特噶爾丹。由西路奮勇前進。敗賊有功。三十六年議敘。授拖沙喇哈番。同旗有員外郎明安達禮者。亦於

山兩敗其衆。復敗賊於縉雲縣。十四年四月。敗賊僞騎都尉連登雲。僞熊總兵等於處州府對河陳灘頭地方。五月。復隨都統喇哈達。敗連登雲兵於石塘。又隨定南將軍賴塔。敗僞將軍馬九玉兵於曹平關。又敗僞將軍牛武維。僞總兵林勝等於東石。二十年正月。隨征南大將軍征雲南吳逆。奪石門坎黃草壩。直至雲南城。俱在行間有功。二十二年議敘。授拜他喇布勒哈番。准再襲三次。病卒。次子諾爾扎穆素襲父世職。長子吉穆德。初任七品官。以從征雲南吳逆。擊

偽將軍何繼祖等於石門坎。又擊之於黃草壩。進至雲南省城。俱在事有功。授拖沙喇哈番。

孟古珥。蒙古鑲白旗人。康熙十三年。以驍騎校從征逆藩耿精忠。至江西。有偽副將陳留音。朱二等。率兵六千。於鄱陽湖汊口拒敵。隨官兵擊敗之。賊復率兵四千。在左鄱陽湖岸拒敵。又擊敗之。又敗偽姜總兵兵於弋陽縣。偽總兵柯勝等。率兵五千拒敵。三戰皆破之。又擊敗偽總兵郭先。張文舉等。於涯山。進攻牛頭寨。被傷歿於軍。二十九年。贈拖沙喇哈番。准襲二次。同旗有

費揚古者。初任防守尉。亦以從征江西有功。授拖沙喇哈番。

託克托和。蒙古鑲白旗人。康熙十四年。以委署叅領。從征逆藩耿精忠。五月。隨都統喇哈達。敗賊鄭文鼎。徐元等。於石塘。又敗偽總兵陳得功。偽副將徐鼎先等。於石佛嶺。偽總兵劉秉仁等。率馬步兵萬餘。陣於半山嶺。以步戰敗之。又隨官兵敗偽總督趙得勝。偽將軍何佑等。於太平山。二十年。從征雲南吳逆。奪石門坎黃草壩。俱在行間。二十五年。敘功。授拜他喇布勒哈番。准

襲三次。

噶爾圖蒙古鑲白旗人。初任驍騎校。康熙十五年。從征逆藩吳三桂。至江西。擊僞將軍陳勝。郭英廷等。於龍泉縣。敗之。又擊僞總兵陳邦俊。於石灰坳。擊僞副將劉燦明。於善都坳。俱隨官兵破其衆。又於西村。盧園洞。奮擊賊兵。兩戰皆捷。二十年。從征南大將軍賴塔。由廣西進雲南。取黃草壩。抵雲南省城。屢著戰功。二十五年。議敘。授拖沙喇哈番。

沙禮。蒙古鑲白旗人。初任拖沙喇哈番。品級章京。康熙十九年六月。隨鎮南將軍莽依圖。征吳逆。至廣西。敗僞將軍吳世琮等。於新村之西山。又敗僞將軍范齊韓。詹仰等。於柳州之陶屯。二十年。隨征南大將軍賴塔。平定雲南。奪石門坎。黃草壩。俱有功。進抵雲南省城。復敗僞將軍胡國秉。劉起隆等。於城下。以績授拜他喇布勒哈番。

塞爾古楞。蒙古鑲白旗人。康熙二十年。以護軍校。從征雲南。擊吳逆。隨征南大將軍賴塔。奪石門坎。黃草壩。破雲南城。又隨都統希佛。追吳逆。

偽將軍馬寶。巴養元等。於烏木山。並有功。尋以疾卒。二十五年。敘功。贈拜他喇布勒哈番。同旗。有驍騎校鄂爾和岱。姓鄂秦氏。世居葉赫地方。亦於康熙二十年。隨征南大將軍賴塔。平定吳逆。至雲南。擊賊於石門坎黃草壩。三戰三敗之。尋以疾卒。事平。敘功。贈拖沙喇哈番。准襲二次。索嫩。蒙古鑲白旗人。康熙二十年。以驍騎校。從征南大將軍賴塔。敗偽將軍何繼祖等。於黃草壩。又敗偽將軍胡國秉等。於雲南省城。三十五年。從撫遠大將軍伯費揚古。征厄魯特。噶爾丹。敗之。三十七年。敘功。授拜他喇布勒哈番。准再襲一次。

塞格。蒙古鑲白旗人。初任右衛佐領。康熙三十五年。從西安將軍博濟。征厄魯特。噶爾丹。由西路。至昭莫多。隨撫遠大將軍伯費揚古。敗賊有功。授拖沙喇哈番。同旗。有喇布克者。初任拖沙喇哈番。品級章京。亦以是役在事有功。授拖沙喇哈番。准再襲一次。

右俱鑲白旗蒙古世職官

喀喇爾岱。蒙古鑲紅旗人。姓鄂恩濟特氏。世居巴林地方。天聰八年。以辦事有能。不違指使。授牛录章京。世職。順治元年。隨睿王多爾袞。進山海關。擊流賊。復追至慶都縣。敘功。加世職半個。前程。七年。遇

恩詔。加爲三等阿達哈哈番。

花色。蒙古鑲紅旗人。姓喀弼齊克氏。世居喀喇沁地方。其伯祖吳巴立。燦錦。原係喀喇沁布彥貝勒所屬之人。布彥貝勒欲來投誠。曾遣爲使。遂從征董夔。不違指使。率喀喇沁人至約會之

地。尋引布彥貝勒子璧喇璽。台吉。及部屬扈誠來歸。崇德元年。授牛录章京。世職。遣往明宣府北張家口。與明人議開市互易。有裨

國計。四年。加世職爲三等甲喇章京。卒。以弟古穆承襲。遇

恩詔。加爲二等阿達哈哈番。傳子碩色。承襲。花色者。碩色子也。康熙十八年。襲父職。三十五年。隨撫遠大將軍伯費揚古。征厄魯特。噶爾丹。由西路進兵。擊賊有功。三十六年。加世職爲一等阿達哈哈番。

八旗通志 卷二百一十六
哲僧蒙古鑲紅旗人。姓吳努護氏。原係察哈爾人。以其國亂來歸。

命隸饒餘貝勒阿巴泰。授二等轄。崇德元年。隨大兵征朝鮮。饒餘貝勒令乘擺牙喇船先渡。朝鮮兵乘大船用長鈎來挽我船。哲僧射殪持鈎兵二人。敵船奔。大兵遂渡海。至剛懷墩。進擊敗敵兵。擒朝鮮王妻子。六年。隨鄭親王濟爾哈朗圍明錦州。固山額真葉克舒轄率擺牙喇兵設伏。哲僧在行間。明兵出犯。葉克舒轄所乘馬中箭而仆。步入敵陣衝殺。遇乘白馬敵人。揮刃連砍之。哲

僧下馬射中敵人面。敵人伏馬而奔。葉克舒轄因得出敵陣。是役也。哲僧被創。所乘馬亦中傷。復援出葉克舒轄。饒餘貝勒嘉其功。以弓與衣服賞之。尋往塔山捉生。斬一人。生擒一人。止黃旗牛衆章京鐘鄂代。叛逃入錦州城。降於明。我兵挖壕樹柵以圍錦州。鐘鄂代領兵二百來犯我壕。哲僧越壕追擊。鐘鄂代所乘馬中箭而逃。獲其弓。明松山兵來戰。饒餘貝勒率兵迎敵。哲僧從貝勒前馳入敵陣。斬殺二人。有蒙古六人來衝我陣。哲僧射殪一人。餘五人接戰。盡斬之。

所乘馬中箭死。

特賜馬一匹。順治元年。隨睿王多爾袞進山海關。擊流賊。射殪賊兵六人。二年。隨順承郡王勒克德渾。征湖廣流賊一隻虎。射殪賊騎卒五人。斬賊步兵十餘人。十五年。從征偽桂王至雲南。隨燾章京博濟希里噶喇昂邦白爾黑圖。擒其哨卒。夜半至南宗地方。遇敵兵奮擊敗之。復追至香水河橋。大破敵營。隨向沅江府進發。有敵兵三千餘衆。犯我壕塹。擊敗之。進攻沅江府城。哲僧殿後。敵兵出城來犯。連敗之。敘功。授拜他喇布勒

哈番。

額爾濟圖巴圖魯。蒙古鑲紅旗人。姓巴林氏。世居西拉木蘭地方。崇德三年。以壯尼大。隨睿親王多爾袞。征明。至山東。以雲梯攻海豐縣。奮勇先登。克之。四年。敘功。

賜巴圖魯號。授牛叅章京世職。六年。隨鄭親王濟爾哈朗。圍明錦州。奉遣往取蘇班岱蒙古家屬。擊杏山馬兵。敗之。順治元年。隨睿王多爾袞。進山海關。擊流賊有功。加半個前程。七年。九年。三遇

恩詔。加至一等阿達哈哈番。子噶布喇。以順治十八年

襲父職。康熙十六年三月。從鎮南將軍莽依圖
征逆藩吳三桂。至韶州府城東山。擊賊帥馬寶
兵敗之。僞總兵姜熊領七千餘賊。在樹梓墟地
方拒敵。復隨莽依圖擊敗其衆。進至廣西。敗僞
將軍吳世琮於新村西山。十九年六月。隨都統
希福等。敗僞將軍范齊韓。詹仰於柳州之陶屯。
二十年正月。隨征南大將軍賴塔。進征雲南。奪
黃草壩。戰雲南城下。及追賊將馬寶。巴養元。至
烏木山。俱有功。尋病卒於軍。二十五年敘功。加
贈一拖沙喇哈番。

納爾泰。蒙古鑲紅旗人。姓巴林氏。世居哈達地
方。崇德三年。以牛录章京隨貝勒岳託征明。攻
墻子嶺城。同艾音布。孟格。石爾達。穴其城取之。
四年敘功。授半個前程世職。順治元年。

定鼎燕京。以署梅勒章京留爲後隊。二年。加世職
爲牛录章京。七年。九年。三遇。

恩詔。加至二等阿達哈哈番。

多羅伊。蒙古鑲紅旗人。姓翁果特氏。世居巴林
地方。崇德六年。大兵圍明錦州。隨固山額真馬
喇希。擊敗杏山兵。又擊敗松山步兵。順治元年。

隨睿王多爾袞進山海關。擊流賊有功。授牛叅章京世職。七年。九年。三遇。

恩詔。加至一等阿達哈哈番。

充吉爾。蒙古鑲紅旗人。姓白蘇克氏。世居察哈爾地方。崇德六年。以擺牙喇甲喇章京。隨大兵圍明錦州。我噶布什賢兵擊明松山兵。充吉爾率擺牙喇甲喇兵助擊敗之。又於北山擊敗敵兵。是年。挖壕圍松山。明軍門洪承疇兵遁出來。犯本旗汛地。充吉爾隨大兵擊却其衆。八年。從征寧遠。城內兵出犯。隨鄭親王濟爾哈朗擊敗之。順治元年。隨睿王多爾袞進山海關。擊流賊馬兵。復追至慶都縣。俱有功。二年。授牛叅章京世職。七年。遇。

恩詔。加一拖沙喇哈番。弟多爾濟以順治七年。襲兄職。九年。遇二次。

恩詔。加至二等阿達哈哈番。十一年。從靖南將軍朱瑪喇。征廣東。在新會縣山谷。敗僞安西王李定國兵。復追至橫州江邊。敗之。十五年。從征僞桂王。至貴州。敗僞晉王李定國於魯噶地方。十八年。敘功。加世職爲一等阿達哈哈番。康熙二年。從

八旗通志 卷一百一十一
定西將軍圖海等征湖廣。擊茅麓山賊。敗之於長樂嶺。賊渠李來亨之子領兵拒敵。以步戰敗之。賊復下山拒敵。復以步戰敗之。又在上王坪地方。敗賊二次。十三年。從征逆藩吳三桂。由陝西進四川。隨前鋒統領穆占。在朝天關。蟠龍山等處。擊賊有功。加世職爲三等阿思哈尼哈番。鄂爾錦巴圖魯。蒙古鑲紅旗人。世居喀喇沁地方。以地爲氏。崇德八年。隨貝勒阿巴泰征明。至山東。以雲梯攻濮州。奮勇先登。克之。凱還。敘功。賜巴圖魯號。授牛錄章京。世職。

羅邗。蒙古鑲紅旗人。姓寶里吉特氏。世居喀喇沁地方。順治元年。以牛錄章京隨睿王多爾袞進山海關。擊流賊有功。二年。從英親王阿濟格征流賊。至陝西延安府。賊自城中出犯。隨官兵擊敗之。三年。敘功。授半個前程。同旗有多爾濟者。姓吳爾漢氏。亦世居喀喇沁地方。順治元年。亦以隨睿王多爾袞進山海關。擊流賊有功。二年。議敘。授半個前程。七年。九年。三遇

恩詔。加至三等阿達哈哈番。

色納克。蒙古鑲紅旗人。姓武朗翰氏。世居鄂津

科爾沁地方。順治元年。以牛彙章京隨睿王多爾袞。進山海關。擊敗流賊。復追賊至慶都縣。俱有功。二年。隨英親王阿濟格。征流賊。至陝西延安府。賊兵出城來犯。色納克同夸拉奪門而入。大破之。敘功。授牛彙章京世職。七年。九年。三遇恩詔。加至二等阿達哈哈番。其弟拉薩希。以康熙三年。隨定西將軍圖海等。征湖廣茅麓山流賊。歿於陣。贈拖沙喇哈番。以其子花色承襲。

生格。蒙古鑲紅旗人。姓克勒特氏。世居蒿祁特地方。順治元年四月。以牛彙章京隨睿王多爾袞。進山海關。擊流賊有功。十一月。隨豫親王多鐸。征流賊。在潼關屢敗賊兵。三年。議敘。授半個前程世職。七年。遇

恩詔。加爲拜他喇布勒哈番。

單巴。蒙古鑲紅旗人。順治二年。以牛彙章京隨豫親王多鐸南征。攻揚州府。擊敗敵兵。又隨貝勒博洛。征浙江。敗賊於嘉興府平湖縣。進至杭州府海寧縣。擊城中出犯敵兵。敗之。三年。隨揚威大將軍豫親王多鐸。追騰機思。擊喀爾喀土謝國汗兵有功。九年。遇

恩詔授拖沙喇哈番。是年再遇。

恩詔加爲拜他喇布勒哈番。十五年從征僞桂王。敗僞
晉王李定國於魯噶地方。十八年議敘。加一拖
沙喇哈番。康熙十三年卒。子查穆素襲職。是年
從征逆藩吳三桂。至江西。在吉安府螺子山地
方。擊僞將軍韓大任。歿於陣。二十六年。加贈三
等阿達哈哈番。以其弟圖什圖承襲。

褚布顧爾。蒙古鑲紅旗人。姓都爾哈氏。世居喀
喇沁地方。順治十五年。以分得撥什庫。隨梅勒
章京噶褚哈。征僞桂王。至貴州。十六年凱旋。值

海賊鄭成功。陷鎮江瓜州。直犯江寧。褚布顧爾
隨噶褚哈。會同本地兵。屢敗賊衆。十七年議敘。
授拖沙喇哈番。

鰲巴。蒙古鑲紅旗人。姓蘇尼特氏。世居科席克
特地方。康熙十三年。以防禦。從征逆藩吳三桂。
由陝西進四川。在朝天關。蟠龍山。娘娘廟。張飛
廟。槐樹驛。小梅嶺。龍潭驛等處。隨前鋒統領穆
占等。擊賊有功。十七年議敘。授拜他喇布勒哈
番。

瓦爾大。蒙古鑲紅旗人。世居巴林地方。以地爲

氏。康熙十四年。以護軍校從撫遠大將軍信郡王鄂扎。征察哈爾布爾尼有功。十五年。從撫遠大將軍圖海。征陝西叛鎮王輔臣。敗賊於平涼。尋往江西。至萍鄉縣。有流賊三千餘拒敵。率本甲喇兵隨擊敗之。以病卒於軍。二十五年。敘功。贈拜他喇布勒哈番。以叔父之孫二格承襲。

岳孫岱。蒙古鑲紅旗人。姓代齊特氏。世居喀喇沁地方。康熙十四年。從信郡王鄂扎。征察哈爾布爾尼有功。十六年。隨征逆藩吳三桂。至江西吉安府。在老莊。江坑嶺。老虎洞等地方。率本甲

喇兵効力行間。屢敗賊衆。二十五年。敘功。授拖沙喇哈番。同旗有巴勒遜者。先世居巴林地方。以地爲氏。康熙十四年。以員外郎隨撫遠大將軍信郡王鄂扎。征察哈爾布爾尼有功。亦授拖沙喇哈番。

鄂色。蒙古鑲紅旗人。康熙十四年。隨定南將軍希爾根。征逆藩耿精忠。至江西撫州府。破賊於千金陂。七里岡。又破於建昌之長興。及宜黃縣等處。並在事有功。十五年。隨安親王岳樂。征逆藩吳三桂。破僞將軍夏國相於袁州府之萍鄉。

縣東來龍山。又有偽總兵夏玉英。在萍鄉縣四十里外東鄉高平市地方擄掠。鄂色率官兵列陣於鷄坡澗。擊敗之。斬賊三百餘級。奪回掠去民婦八。幼穉三。女子四。給還百姓。又隨安親王往湖廣。圍長沙府城。賊出南門來犯。擊敗之。又敗賊於登古嶺。及大圍山之枯竹嶼嶺。又在興岡嶺。與坡嶺等處。屢敗賊衆。敘功。授拖沙喇哈番。

蘇玉克圖。蒙古鑲紅旗人。姓齊里克氏。世居巴林地方。康熙十四年。以佐領隨安親王岳樂。征逆藩吳三桂。至江西。破賊於黃鶴坡。楊官塘康山。十五年。於袁州府萍鄉縣擊賊。並有功。尋往湖廣。敗賊於長沙府瀏陽縣等處。直抵雲南。敗賊於雲南城下。又隨都統希福等。追賊師馬寶。巴養元。至烏木山。敗之。二十五年。敘功。授拖沙喇哈番。

殷札納。蒙古鑲紅旗人。姓博爾濟吉特氏。祖班布固英。原係蒙古察哈爾汗之嘉叟兒。率戶口二百六十。同德森濟旺來歸。崇德元年。授一等甲喇章京。世職卒。以子杜霸承襲。杜霸。殷札納

父也。康熙十八年，杜霸卒，殷札納襲父職。十九年，隨征南大將軍賴塔，征逆孽吳世璠，由廣西進雲南。二十年，奪石門坎，破黃草壩，戰雲南城下，俱在事有功。二十五年，議敘，加一拖沙喇哈番。同旗有顧英者，姓巴林氏，世居察哈爾地方。康熙十九年，以委署護軍校，從征逆孽吳世璠。與同旗八品官和善，並由廣西進雲南。二十年，隨征南大將軍賴塔，敗賊於石門坎、黃草壩，乘勝進攻雲南城，敗僞將軍胡國秉等兵於雲南城下。顧英以病卒於軍。二十五年，敘功，贈拖沙喇哈番。以其弟蒙克承襲。和善亦授一拖沙喇

海色，蒙古鑲紅旗人，姓濟忒氏，以護軍校隨征雲南有功，授拖沙喇哈番。卒。子拉錫希襲。康熙三十五年，隨撫遠大將軍伯費揚古，征厄魯特噶爾丹，由西路進兵，擊敗賊衆。加世職，爲拜他喇布勒哈番。

阿集思，蒙古鑲紅旗人，姓翁尼忒氏，世居察哈爾地方。康熙三十五年，以員外郎隨撫遠大將軍伯費揚古，征厄魯特噶爾丹，由西路進兵，擊

賊有功三十六年敘功。授拖沙喇哈番。同旗有防禦巴郎者。姓胡尼特氏。世居胡遜地方。又有吳爾占者。姓濟忒氏。並以是役從征有功。俱授拖沙喇哈番。

右俱鑲紅旗蒙古世職官

八旗通志初集卷之一百十七

勲臣傳十七

正藍旗蒙古世職官

巴布海巴圖魯

從弟拜賽

陶海

子阿第

阿哈尼堪

白喜巴圖

熬梅

弟蒙格圖

恩格森

子賈穆蘇

訥爾德

胡班

喜福

色稜

弟梭諾穆

阿督賴

額邇機圖

二濟格

子達賴

克錫特

何濟格珥

賈穆彥

噶爾瑪

察錫霞

弟塔爾尼

阿必達
布達

阿玉璽

畢禮克圖
綽爾拜

吳拉代

土斯圖

邵拜

昂古禮

毛奇塔特
色冷

巴朗

薩爾泰
穆奎

蘇穆圖

見忠烈吳孫
泰傳

俄齊邇

見忠烈圖薩傳

博思和

見忠烈達爾
瑪傳

伊緒

見忠烈多內傳

鑲藍旗蒙古世職官

托克托爾

孫薩音齊克

綽通

叟色巴圖魯

族人烏玉
都

孟格

弟五第

桑格

弟之子巴雅爾

吳巴里善金

鐸魯依

搜塞

特穆立

子布達世立

納爾泰

額爾金

圖勒齊

希珠

徵恕

沙穆巴

子扎穆蘇

塞納克

多爾濟

喀拉爾岱

僧格
羅那

沙雅

喇塞

兄之孫朱瑪喇

阿爾錫

納穆什希

巴達禧

子圖爾哈圖

巴思霸達邇

鄂齊禮

拜度

綽特畢

巴爾都

塞門

達爾巴海博爾赫

音扎納

劉實

輝塞永寶

多爾吉

朱扎漢

見忠烈佟噶爾傳

嘉穆素

見忠烈達賴傳

大禧

見忠烈叟賽傳下同

海三岱

都楞

見忠烈阿哈起傳

德靈格

見忠烈懇哲傳

巴布海巴圖魯蒙古正藍旗人。姓巴魯特氏。世居喀喇沁地方。初以白身。崇德三年。隨貝勒杜度。征明。至真定府。用雲梯攻饒陽縣。先登。拔其城。

賜巴圖魯號。授牛錄章京。世職。七年十月。復隨饒餘貝

勒阿巴泰。征明。山東。率本甲喇兵。敗明總兵吳

三桂軍。順治元年四月。隨睿王多爾袞。入山海

關。追流寇。至慶都縣。大敗之。十一月。隨定國大

將軍豫親王多鐸。南征。至潼關。同巴爾珠安達

理。連敗流寇第一營。第二營。步卒。二年。至江南。

八旗通志 卷一百一十七
同諾賴姚納巴圖魯敗黃蜚等四僞總兵軍。又同噶爾圖察錫霞敗黃蜚等四僞總兵於蘇州。三年隨肅親王豪格征四川。與梅勒章京阿機拜及燾章京阿爾津蘇拜噶達洪等敗流賊八大王張獻忠。論功。又加一拖沙喇哈番。五年卒。父拜音代襲世職。七年九年三遇。

恩詔累加至一等阿達哈哈番。年老告休。以拜音代弟之子拜賽襲職。拜賽初於崇德三年隨貝勒杜度征明。至真定府。用雲梯攻饒陽縣。以第三人登城拔之。七年冬復隨貝勒阿巴泰征明。以步

戰敗明馬步軍於渾河岸。順治二年隨靖遠大將軍英親王阿濟格追流寇。獲其艘十五於承天府。又同梅勒章京阿機拜連破流寇李自成營。三年隨征南大將軍貝勒博洛征福建。同車克巴朗和託等敗僞黃總兵於泉州。自泉州府取安溪。敗僞陳副將於山上。九年襲伯父拜音代一等阿達哈哈番。並本身拜他喇布勒哈番。授爲三等阿思哈尼哈番。十二年從征湖廣。僞安南王劉文秀左將軍盧明臣與國侯馮雙禮等。侵岳州武昌。拜賽隨燾章京蘇克薩哈伏兵

擊敗之。又敗僞王都督。論功。加世職二等阿思哈尼哈番。十五年。從征雲貴。敗僞侯李成蛟於涼水井。敗僞晉王李定國於雙河口。又敗僞總兵於蒲棚嶺。追僞鞏昌王白文選。敗其馬兵。俱在事有功。李定國及僞侯等。復率賊衆於磨盤山拒敵。拜賽力戰陣亡。加授世職爲一等阿思哈尼哈番。以伯父之孫扎木素承襲。

陶海。蒙古正藍旗人。初任牛录章京。崇德三年。隨貝勒杜度。征明。至山東。同固山額真準塔巴圖魯。敗明太監馮起潛軍。六年。大兵圍錦州。陶海同託克託惠等。敗松山步兵。順治元年。從睿王多爾袞入山海關。追流寇。同梅勒章京庫爾闡等。擊敗賊兵。以功授半個前程。世職。七年。九年。三遇。

恩詔。累加至三等阿達哈哈番。十三年。以老疾休。子阿第襲世職。十六年。阿第從征雲貴。由水路回兵。至江南。值海寇鄭成功等。陷鎮江瓜州。直犯江寧。阿第隨梅勒章京噶褚哈。會同本地官兵。敗之。又敗賊衆十萬於山上。康熙元年。隨征山東。同夸蘭大希喇額布良。敗賊呂思曲。楊明吾。喬

遇際蔣金剛等。八千餘衆。以功加授二等阿達哈哈番。

阿哈尼堪。蒙古正藍旗人。

太宗文皇帝時從征。以偵探寧遠消息有功。授牛录章京世職。順治七年九年。三遇

恩詔。累加至二等阿達哈哈番。同旗有白喜者。姓巴魯特氏。世居席北地方。又有巴圖者。姓莽諾忒氏。世居察漢諾爾地方。俱以軍功。各授一拖沙喇哈番。

鰲梅。蒙古正藍旗人。崇德二年。隨貝勒杜度。征明。至山東。攻齊河縣。不用雲梯。第一登城。克之。論功。授半個前程世職。順治元年。從睿王多爾袞。入山海關。擊流寇。復有功。加世職。爲牛录章京。以疾卒。叔父之子蒙格圖。承襲世職。七年九年。三遇

恩詔。累加至二等阿達哈哈番。尋以從征江西軍功。加授一等阿達哈哈番。十一年。以從征湖廣茅麓山戰歿。

恩格森。蒙古正藍旗人。姓杭阿塔氏。世居巴朗地方。崇德五年。以閒散章京隨征。明。擊松山騎

八旗通志 卷一百一十七
兵同梅勒章京明安達禮敗之。六年大兵圍錦州。復同明安達禮以步戰敗明經畧洪承疇三營步兵。分守錦州小壕。城內馬步兵出犯。又同明安達禮擊敗之。順治元年隨睿王多爾袞入山海關。擊敗流寇。又同希福敗賊毛總兵馬兵五千。以功授半個前程。世職。七年九年再遇恩詔。加授拜他喇布勒哈番。兼一拖沙喇哈番。卒。子賈穆蘇襲父職。又遇

恩詔。加授三等阿達哈哈番。十一年賈穆蘇隨靖南將軍葉赫朱瑪喇征廣東。敗僞安西王李定國於新會縣之左山。又敗其步卒於新會縣之山峪。並在事有功。加世職至二等阿達哈哈番。

訥爾德蒙古正藍旗人。姓科特氏。世居葉赫地方。崇德六年以牛条章京隨大兵圍錦州。率所屬甲士敗敵於山嘴。又同明安達禮敗敵馬步兵。八年隨饒餘貝勒阿巴泰征明。過北京。率本固山兵敗敵馬步兵五百於安肅縣。又明馬步兵據三河駐營。阻截行路。同明安達禮擊敗之。順治二年正月。隨定國大將軍豫親王多鐸破流寇於潼關。我兵過潼關。隨固山額真恩格圖。

爲殿賊騎兵犯我者三。皆擊敗之。六月隨征南大將軍貝勒博洛。征杭州。同達素等擊敗僞王總兵。有僞郭總兵者。引衆五百來援嘉興府。復同達素擊敗之。以功授半個前程。世職。遇七年恩詔。加授拜他喇布勒哈番。

胡班。蒙古正藍旗人。姓奇墨斯氏。世居喀喇沁地方。初任牛叅章京。崇德八年。隨饒餘貝勒阿巴泰。征明山東。以雲梯攻恩縣。克其城。授半個前程。世職。順治七年。九年。三遇。

恩詔。累加至三等阿達哈哈番。同旗有喜福者。亦以征明。用雲梯攻克南和縣。敘功。授半個前程。世職。色稜。蒙古正藍旗人。姓吳朗。漢機爾敏氏。世居喀喇沁之達賚薩拉烏蘇科齊爾科忒地方。初任牛叅章京。順治元年。隨睿王多爾袞入山海關。與恩格森等擊敗流寇。追至慶都縣。同博爾波孫等。大敗之。七月。隨固山額真覺羅巴哈納。平定山西。至太原府。連敗敵兵二次。以功授牛叅章京。世職。七年。九年。三遇。

恩詔。累加至二等阿達哈哈番。十年。卒。以其弟梭諾穆襲職。梭諾穆襲兄二等阿達哈哈番。併本身拜

他喇布勒哈番。爲一等阿達哈哈番。兼一拖沙喇哈番。康熙十三年。逆藩吳三桂。據雲南反。我兵往討。梭諾穆與焉。

太皇太后特賜馬二四。弓一張。銀五十兩。至湖廣。僞將軍吳應麒。柯鐸。高起龍。廖盡忠等。引賊衆四萬。相拒於岳州。梭諾穆越衆入賊營。三次力戰陣亡。

聖祖仁皇帝遣內大臣巴特瑪。奠茶酒。並

賜祭葬如典禮。加世職至三等阿思哈尼哈番。以其子

福三寶承襲。祭文稱其性本忠勇。才能盡職云。

阿督賴。蒙古正藍旗人。姓阿爾談鄂莫克氏。世居喀喇沁地方。初任理藩院副理事官。以辦事有能。授半個前程世職。順治二年。隨定國大將軍豫親王多鐸南征。至江南。圍溧陽縣城。僞帥平印瑞引衆四萬來援。阿督賴率邊外蒙古兵擊敗之。三年。復隨揚威大將軍豫親王多鐸。征滕機思。率七十人同衆。敗喀爾喀土謝圖汗兵。七年九年。三遇。

恩詔累加至三等阿達哈哈番。十五年。從征貴州。敗僞

總兵羅大順。於十萬崎山。十六年。班師。由水路

八旗通志 卷二百一十七 九
至江南。值海賊鄭成功等陷鎮江瓜州。進犯江寧。阿督賴隨副都統噶褚哈。會同本地官兵擊敗之。以功加授一等阿達哈哈番。兼一拖沙喇哈番。仕至驍騎叅領。

額邇機圖。蒙古正藍旗人。姓牛倫氏。世居巴林地方。順治元年。以牛彙章京。隨睿王多爾袞入山海關。敗流寇。二年。隨靖遠大將軍英親王阿濟格。敗流寇於富池口。獲舟二十艘。追至九江府。又獲八艘。三年。隨肅親王豪格。征四川。率兵擊流賊八大王張獻忠。時彙章京蘇拜。阿爾津。噶達洪。率師來援。遂同梅勒章京阿機拜。共擊獻忠。敗之。授世職拖沙喇哈番。七年。九年。三遇恩詔。累加至三等阿達哈哈番。

二濟格。蒙古正藍旗人。姓巴岳忒氏。世居喀喇沁地方。順治十一年。以委署章京。從寧海大將軍宜爾德。征偽魯王。至浙江舟山。偽英毅伯阮思率兵迎戰。隨梅勒章京顧魯古。擊敗之。又同彙章京尼雅漢。敗偽總制陳六御。以功授拖沙喇哈番。病歿。子達賴承襲世職。康熙十三年。達賴從征逆藩耿精忠。至浙江。敗偽總兵朱慶隆。

八旗通志 卷二十七
等於紫郎山。十九年。隨征南大將軍賴塔。征逆孽吳世璠。由廣西進雲南。攻石門坎。奪黃草壩。追爲帥馬寶於烏木山。俱在行間有功。從優議敘。授拜他喇布勒哈番。加一拖沙喇哈番世職。克錫特。蒙古正藍旗人。順治十五年。以驍騎校隨征貴州。十六年。由水路回兵。至江南。值海賊鄭成功等。陷鎮江瓜州。進犯江寧府。隨副都統噶褚哈。會同本地官兵擊敗之。康熙元年。從征山東。賊首殷秉瑚等。率衆五百餘。於山麓築牆拒敵。進擊敗之。又敗賊孫小五。王節祥。蕭五等。於大寨山巖。十五年。從征逆藩吳三桂。至湖廣。與賊戰於長沙府南門外。敗之。又敗僞總兵謝先聲。副將朱名盛等。於瀏陽縣之北山。又敗賊僞總兵揭遇卿。副將年鎮寶等。於登古嶺。十七年。隨貝子章泰。敗僞將軍吳國貴等。於武岡州之雙井鋪。二十五年。以疾卒。追授拖沙喇哈番。以其子布達承襲。

何濟格。珥蒙古正藍旗人。康熙十三年。以佐領隨定西將軍希爾根。征逆藩耿精忠。至江西。敗僞總兵唐配勝等賊四千於老莊。又敗朱俊聘。

朱名勝等賊於黃茅鐵山街。又敗之於孫家段。十六年。從鎮南將軍莽依圖。征逆藩吳三桂。至廣東。敗僞將軍馬寶等。於韶州府城之東山。十九年。隨征南大將軍賴塔。由廣西進雲南。二十年。奪石門坎。破黃草壩。乘勝直抵雲南。會同滿漢官兵。平定逆孽吳世璠。並在事有功。尋以疾卒。追授拜他喇布勒哈番。以其子庫色類襲職。賈穆彥。蒙古正藍旗人。父卓邇畢。係喀喇沁貝子。同叔父岱達爾漢。率丁壯二百三十人來歸。授三等甲喇章京。世職。順治七年。九年。三遇。

恩詔。累加至一等阿達哈哈番。兼一拖沙喇哈番。賈穆

彥。初襲父職。十八年。從定西將軍愛星阿。征雲南。至緬國阿娃城。獲僞桂王朱由榔。康熙十八年。從征逆孽吳世璠。至湖廣。隨貝子章泰。破僞將軍吳國貴。於武岡州之雙井舖。又敗僞將軍吳應騏。張祖法。王鑼鼓等。於沅州。二十年。會同滿漢官兵。平定雲南。並在事有功。加世職。爲三等阿思哈尼哈番。尋緣事銷去本職。存伊父原職。以其子班迪承襲。

噶爾瑪。蒙古正藍旗人。姓吳。集奇特氏。世居克

西克騰地方。初任牛彖章京。順治十五年。從征偽桂王。至貴州凉水井地方。敗偽侯李成蛟。又敗偽晉王李定國於雙河口。追至雲南磨盤山等處。並在行間。康熙十三年。從征逆藩吳三桂。至湖廣。隨護軍統領額司泰。敗偽將軍陶繼智於夔陵。十四年。隨副都統鄂泰。敗偽帥王繼正於益門鎮。偽帥陳君極。整兵再戰。復擊敗之。論功授拖沙喇哈番。尋卒。以其子達爾扎襲。

阿必達。蒙古正藍旗人。初任佐領。康熙十三年。從征逆藩耿精忠。至浙江金華府。隨都統喇哈達。敗偽都督閻標。偽總兵張元昭等。十一月。敗偽總兵徐尙朝。十四年四月。敗賊將連登雲。陳德公。十七年。隨寧海將軍喇哈達。敗海寇趙德勝等。於太平山等處。進兵至泉州。又破偽總督王進功。偽將軍吳淑等。並在事有功。三十五年。從撫遠大將軍伯費揚古。征厄魯特噶爾丹。戰於昭莫多地方。復有功。從優議敘。授拜他喇布勒哈番。

察錫霞。蒙古正藍旗人。姓鉢多忒氏。世居喀喇沁地方。康熙十五年。以署護軍校。隨將軍舒恕

等征逆藩耿精忠。至江西擊敗僞帥嚴自明。及張星耀。郭義等。於南康縣。十六年。從鎮南將軍莽依圖。征逆藩吳三桂。至廣東。破僞將軍馬寶。王三。王錦五。薛起隆等。於韶州城東山邊。又敗僞總兵姜熊等。於樹梓墟。十八年。又隨莽依圖等。敗僞將軍吳世琮等。於南寧之新村西山。又敗僞將軍范齊韓。詹仰等。於陶屯。二十年。隨征南大將軍賴塔。進雲南。破僞將軍何繼祖等。奪黃草壩。進至雲南省。會同滿漢官兵。平定逆孽吳世璠。又隨都統希佛等。敗僞帥馬寶。巴養元。於烏木山。尋以疾卒。二十五年。議叙授拖沙喇哈番。以其子黑雅圖承襲。又有塔爾尼者。察錫霞之弟也。初管佐領。康熙十三年。從征逆藩吳三桂。由陝西進兵。有僞將軍王屏藩等。率十三總兵來圍我軍。塔爾尼隨衆擊破之。賊復整兵來戰。遂歿於陣。尋議卹。加一拖沙喇哈番。以其子黑達色承襲。

布達。蒙古正藍旗人。姓龔阿理氏。世居喀喇沁地方。初從征僞桂王朱由榔有功。康熙十四年。以護軍校。復隨平逆將軍畢力克圖。征逆藩吳

三桂至陝西。敗僞遊擊黃文英於虎兒隘嶺。綏德平。隨攻平涼。擊叛鎮王輔臣子僞總兵王繼正等於平涼城八里外。率所屬兵陣斬僞總兵郝天祥。又敗賊於羅家鋪。十五年至秦州。賊衆運糧二千餘石。至牡丹園三十里鋪。擊敗之。又率所屬兵連敗僞王總兵於平頭山。及馬武鎮之西山。隨進取通渭縣。敗僞李總兵等賊於十八盤之山坡。僞總兵李黃英據石廟寨。連結三營拒敵。擊破之。又破賊於祁山坡之南山。敗僞將軍吳之茂等於延關。及洪山嘴。僞將軍王屏藩遣賊兵自宜都縣來犯。破之於西和縣北山上。並在行間。十八年。進兵至湖廣。敗僞楊總兵熊總兵賊三千於沿溪。又隨貝子章泰。敗僞將軍吳國貴等於武岡州之雙井鋪。二十年。至雲南。會同三路滿漢官兵。平定逆孽吳世璠。並做事有功。二十五年。議敘授拖沙喇哈番。五十九年。年八十八歲。

聖祖特諭。布達年老。昔追逐桂王効力。甚屬可憫。伊職與伊子汪查齊色倫承襲。在侍衛行走。伊子亦好。准再襲一次。

阿玉璽。蒙古正藍旗人。康熙十八年。以護軍校從征海賊。至福建。隨平南將軍賴塔。破僞將軍劉國軒等。於夏坑。毆奇頭山。又破海賊於郭塘板圍山。及太平寨等處。二十年。從征南大將軍賴塔。征逆孽吳世璠。破僞將軍何繼祖。於石門坎。又敗之於黃草壩。直抵雲南。平定逆孽。又隨都統希佛等。追僞將軍馬寶。巴養元等。至烏木山。敗之。並在事有功。授拜他喇布勒哈番。同旗有畢禮克圖者。姓額岳特氏。世居察哈爾地方。康熙二十年。以署護軍校。隨征南大將軍賴塔。平定逆孽有功。授拖沙喇哈番。又有綽爾拜者。亦以署護軍校。隨征南大將軍賴塔。平定雲南有功。授拖沙喇哈番。

吳拉代。蒙古正藍旗人。姓囊佳忒氏。世居土默特地方。康熙十三年。從征逆藩吳三桂。由陝西進兵。至娘娘廟地方。遇僞將軍吳之茂。領兵萬人來拒。隨副都統尹布進戰。大破之。議功。授拖沙喇哈番。病卒。孫留住襲職。

土斯圖。蒙古正藍旗人。姓徒羅魯忒氏。世居喀喇沁地方。康熙十九年。以驍騎校。從征逆孽吳

世璠進雲南。敗僞將軍何繼祖等於黃草壩。直抵雲南城下。俱在事有功。授拖沙喇哈番。病卒。以其子羅漢保承襲。同旗有邵拜者。姓齊默忒氏。世居阿蘇忒地方。康熙十八年。亦以護軍校征雲南功。授拖沙喇哈番。

昂古禮。蒙古正藍旗人。姓科忒氏。世居葉赫地方。康熙十四年。隨撫遠大將軍信郡王鄂札討叛逆察哈爾布爾尼有功。授拖沙喇哈番。同旗有毛奇塔特者。任護軍校。色冷者。任驍騎校。俱於康熙五十七年。以安拉藏軍功。各授一拖沙

喇哈番。

巴朗。蒙古正藍旗人。姓巴魯特氏。世居喀喇沁地方。康熙三十五年。以章京銜。隨撫遠大將軍伯費揚古。從西路征厄魯特噶爾丹。遇賊於昭莫多地方。與衆奮擊。大敗之。病歿。追授拖沙喇哈番。以其子巴當承襲。同旗有薩爾泰者。姓赫奢禮氏。世居葉赫地方。任署佐領。穆奎者。姓伊爾門氏。世居敖漢地方。任右衛佐領。俱以是役。在行間有功。各授一拖沙喇哈番。

右俱正藍旗蒙古世職官

托克托爾蒙古鑲藍旗人。姓台綽氏。世居巴林地方。於

國初來歸。時方以蒙古分隸八旗。每旗各設五牛。因令托克托爾管一牛。彙事。天命十一年。貝勒代善攻囊努克。以托克托爾爲嚮導。取之。論功授備禦。世職。順治元年。隨睿王多爾袞入山海關。擊敗流寇馬步兵。七年。遇

恩詔。加世職爲拜他喇布勒哈番。兼一拖沙喇哈番。卒。

孫薩音齊克襲。康熙三十五年。薩音齊克從征噶爾丹。由西路擊賊有功。加世職爲三等阿達。哈哈番。累任叅領。兼管佐領。又授爲馬廠固山大。以病乞休。

綽通。蒙古鑲藍旗人。姓博蘇特氏。世居巴林地。方。從征庫特塔布囊。見敵兵十人遁走。追之。斬一人。天聰二年。從征錦州。領八人潛往捉生。獲敵哨騎二人。又潛往錦州爲嚮導官。五年。從征大凌河。城內敵兵出戰。有尹德禮歿於陣。綽通衝入敵營。獲尹德禮尸而出。夜半攻臺。斬十人。獲駝一隻。馬十六匹。六年。從征察哈爾。往擒敵哨。斬其哨卒一人。入明邊。至大同。隨勞薩順科

洛巴圖魯進戰。越其前。衝入臺內。斬其哨卒一人。又隨席特庫尼堪巴圖魯。前往敖漢城。尋敵踪跡。遇明兵百人。奮力進擊。以功授牛朵章京。世職。十年二月卒。

叟色巴圖魯。蒙古鑲藍旗人。姓瑚拉巴思氏。世居察哈爾地方。

國初從證明。以雲梯攻清豐縣。先登克之。

賜巴圖魯號。授牛朵章京世職。其族人。有祐希者。亦於國初來歸。授遊擊世職。兼管牛朵。其世職再傳至孫烏玉都承襲。康熙三十五年。烏玉都從征厄

魯特噶爾丹。有功。加世職爲二等阿達哈哈番。

孟格。蒙古鑲藍旗人。姓吳朗哈濟拉默氏。

太宗文皇帝時。同長兄額色宜。自巴林地方。率族人來

歸。編爲牛朵。以額色宜爲牛朵章京。額色宜卒。

次兄恩柯襲管。恩柯卒。孟格襲管。從征厄勒約

鎖厄黑庫倫。踰原。派定地方。多獲人口。崇德三

年。授半個前程。是年隨揚威大將軍貝勒岳託

證明。聞盧軍門兵。由喀喇沁所駐地方遁走。遂

橫絕其去路。兩戰俱敗之。同安音布席爾塔納

爾泰。攻牆子嶺。頽其城。四年。加牛朵章京世職。

有瓦第者。孟格之弟也。以順治十年從征湖廣。至衡州陣亡。卹贈拖沙喇哈番。

桑格。蒙古鑲藍旗人。姓巴林氏。父曰康喀。

國初自蒙古地方來歸。授二等參將世職。桑格初授牛錄章京世職。崇德五年從大兵圍錦州。有功。加世職爲三等甲喇章京。卒。桑格弟多爾機襲。順治七年遇

恩詔。加世職爲二等阿達哈哈番。卒。多爾機伯父之子桑圖襲。九年兩遇

恩詔。加至一等阿達哈哈番。兼一拖沙喇哈番。卒。子巴

雅爾襲。巴雅爾以從征山西陣亡。加贈三等阿思哈尼哈番。

吳巴里善。金。蒙古鑲藍旗人。姓噶必齊克氏。原係喀喇沁貝勒於

國初來歸。授爲備禦。以張家口從征有功。加至三等甲喇章京世職。同旗有鐸魯依者。姓翁吳特氏。世居巴林地方。以崇德八年從征錦州軍功。議敘授牛錄章京世職。順治七年九年三遇

恩詔。加至二等阿達哈哈番。

搜塞。蒙古鑲藍旗人。姓阿勒特氏。世居塔布克

努圖克喀拉地方。初任牛彙章京。崇德五年。隨大兵圍錦州。同梅勒章京幹都。擊杏山松山馬步兵。敗之。七年。圍錦州。有明兵來犯。與戰。射殺一人。順治元年。隨睿王多爾袞。入山海關。敗流賊。追擊至慶都縣。掩殺之。二年。授牛彙章京。世職。七年。緣事降。世職爲拖沙喇哈番。九年。兩遇恩詔。加至拜他喇布勒哈番。兼一拖沙喇哈番。

特穆立。蒙古鑲藍旗人。姓齊爾博蘇氏。世居圖門地方。初以征殺虎口軍功。授三等甲喇章京。世職。卒。子札穆蘇襲職。卒。札穆蘇伯父之子。博爾輝多襲。有布達世立者。博爾輝多叔父之子也。順治元年。從睿王多爾袞。入山海關。以功授半個前程。尋以從征荊州等處軍功。加拜他喇布勒哈番。後併襲博爾輝多。二等阿達哈哈番。授一等阿達哈哈番。七年。遇

恩詔。由一等阿達哈哈番。加一拖沙喇哈番。緣事削去。拖沙喇哈番。九年。兩遇

恩詔。加至三等阿思哈尼哈番。

納爾泰。蒙古鑲藍旗人。姓巴林氏。世居哈達地方。初管牛彙章京事。以從征山東軍功。授半個

前程尋加爲牛朵章京世職。順治七年九年三
遇

恩詔。加至二等阿達哈哈番。同旗有額爾金者。姓喀爾
沁氏。世居喀喇沁地方。亦以從征山東。在事有
功。得授牛朵章京世職。

圖勒齊。蒙古鑲藍旗人。姓吳朗哈濟拉默氏。世
居喀喇沁地方。初任牛朵章京。順治元年。隨定
國大將軍豫親王多鐸南征。至潼關。同固山額
真喇麻。連敗流寇。旋定河南。趨江南。擊賊於韓
揚山。敗其步兵。又從征福建。過浙江。敗賊於平

湖縣。九年。兩遇

恩詔。加至拜他喇布勒哈番。十五年。從征雲南。擊僞晉
王李定國有功。由拜他喇布勒哈番。加一拖沙
喇哈番。

希珠。蒙古鑲藍旗人。姓博爾濟金氏。初任牛朵
章京。順治元年。隨睿王多爾袞入山海關。擊敗
流賊。追殺至慶都縣。六月。隨固山額真覺羅巴
哈納。石廷柱。征山西。攻太原府。賊兵拒戰。同明
阿圖。擊敗其衆。追流賊至陝西延安府。賊兵出
城來犯。兩戰皆捷。三年。敘功。授半個前程。

八旗通志 卷一百一十七
徵恕。蒙古鑲藍旗人。姓額爾圖忒氏。世居敖漢地方。初任壯尼大。順治元年。任員外郎。五年。從征大同叛鎮姜瓖。以紅衣礮攻汾州府。賊兵來犯正黃旗汛地。徵恕率兵協擊。敗之。並敗城內出拒之兵。又擊敗僞巡撫蔣家訓。賊衆於進士鎮及興口。俱在行間。兩遇。

恩詔。授世職。爲拜他喇布勒哈番。十一年。從靖南將軍朱瑪喇。征廣東。擊僞安西王李定國兵於新會縣山谷中。敗之。以功由拜他喇布勒哈番。加一拖沙喇哈番。尋任兵部郎中。兼叅領。

沙穆巴。蒙古鑲藍旗人。姓博爾濟金氏。世居喀喇沁地方。初任牛彙章京。以破流賊軍功。授半個前程。遇。

恩詔。加至拜他喇布勒哈番。兼一拖沙喇哈番。卒。子札穆蘇襲。札穆蘇以從征江西陣亡。加贈爲三等阿達哈哈番。

塞訥克。蒙古鑲藍旗人。初任牛彙章京。順治元年。從睿王多爾袞入山海關。破流賊有功。授牛彙章京世職。七年。九年。三遇。

恩詔。加至二等阿達哈哈番。同旗有多爾濟者。姓吳朗。

哈濟拉默氏。世居薩哈連地方。亦於順治元年。從睿王多爾袞。入山海關。征流賊有功。授半個前程。七年九年。三遇

恩詔。加至三等阿達哈哈番。

喀拉爾岱。蒙古鑲藍旗人。姓溫吉忒氏。世居巴林地方。初以辦事有能。不違指使。授牛条章京。世職。順治元年。從睿王多爾袞。入山海關。破流賊有功。加半個前程。遇

恩詔。加至三等阿達哈哈番。同旗有僧格者。初任牛条章京。亦於順治元年。隨睿王多爾袞。入山海關。破流賊有功。授半個前程。遇

恩詔。加為拜他喇布勒哈番。又有管半個牛条事羅邦者。姓斗里格忒氏。世居喀喇沁地方。亦以從睿王多爾袞。入山海關。破流賊有功。得授半個前程。

沙雅。蒙古鑲藍旗人。姓阿爾塔思氏。世居敖漢地方。初任分得撥什庫。順治五年。從征江西叛鎮金聲桓。於龍泉縣。石輝畧。袁州等處擊賊。屢著勞績。康熙十九年。從征南大將軍賴塔。征逆孽吳世璠。至雲南。擊偽將軍何繼祖等。於石門

坎連敗其衆。直抵雲南城下。隨三路官兵。平定雲南。尋以疾卒於軍中。事平。議卹。贈一拖沙喇哈番。以其子巴雅思呼朗襲。

喇塞。蒙古鑲藍旗人。姓薩爾圖氏。世居札魯特地方。順治十一年。以委署章京。隨靖南將軍朱瑪喇。征廣東。於新會縣山谷中。擊僞安西王李定國。步兵四萬。敗之。十五年。隨肅章京鄂內。征貴州。敗賊二千餘人於十萬崎山。僞總兵羅大順。率兵數萬拒敵。二戰皆克之。七年。凱旋至江南。值海賊鄭成功等。破鎮江瓜州。直犯江寧。喇

塞隨梅勒章京噶褚哈。協同本地方官兵。破賊。十七年。敘功。授拜他喇布勒哈番。病卒。以兄之孫朱瑪喇襲職。康熙二十九年。朱瑪喇從征厄魯特。在烏蘭布通地方。擊賊。左足中矢。傷發。歿於軍。由拜他喇布勒哈番。加贈一拖沙喇哈番。阿爾錫。蒙古鑲藍旗人。姓博爾濟氏。世居喀喇沁地方。初任分得撥什庫。順治十六年。從征福建海賊。攻廈門。賊渠鄭成功等。乘船六百餘隻。列陣於澄浦。舉拒戰。阿爾錫隨安南將軍達素。擊敗之。康熙十五年。從鎮南將軍莽依圖。征逆

人方通元 卷一百一十一
藩吳三桂。由廣東進至廣西。敗僞將軍吳世琮於新村西山。又敗僞將軍范齊韓於柳州之陶屯。十九年。隨征南大將軍賴塔。進雲南。破黃草壩。抵雲南省。平定逆孽吳世璠。在事有功。授拜他喇布勒哈番。

納穆什希蒙古鑲藍旗人。姓達爾坤氏。世居喀喇沁地方。順治十八年。以委署護軍校。從定西將軍公愛星阿。征雲南。至緬甸國阿娃城。獲僞桂王。在事有功。康熙十四年。隨撫遠大將軍信郡王鄂札。征察哈爾布爾尼。同委署叅領帖什塔。敗賊於大魯地方。又同委署叅領畢立克圖。連敗其潰卒。以功授拖沙喇哈番。旋從征逆藩吳三桂。至江西。隨副都統多諾。擊僞都督郭應福於太和縣蘆源洞。敗之。十九年。隨征南大將軍賴塔。征逆孽吳世璠。奪石門坎黃草壩。乘勝抵雲南省城。俱在行間。論功加授爲拜他喇布勒哈番。

巴達禧。蒙古鑲藍旗人。姓巴魯克氏。世居阿蘇克地方。初任佐領。康熙二年。從征四川。湖廣。流賊僞義國公郝搖旗。僞彰國公袁宗第等遁走。

巴達禧尾其後。至黃棗坪地方。郝搖旗率兵拒敵。擊敗之。袁宗第率兵拒敵。又擊敗之。十五年。從征逆藩吳三桂。至四川。僞總兵石存禮等。據朝天關隘口。扎立三十餘營拒敵。巴達禧隨前鋒統領穆占。擊敗之。以疾卒於軍。十七年。敘功。贈拜他喇布勒哈番。以其子圖爾哈圖承襲。十九年。圖爾哈圖隨征南大將軍賴塔。征逆孽吳世璠。由廣西進兵。於石門坎敗僞將軍何繼祖等。又敗之於黃草壩。直抵雲南省城。並有功。二十五年。敘功。由拜他喇布勒哈番。加一拖沙喇

哈番。

巴思霸達。遼蒙古鑲藍旗人。姓墨爾秦氏。世居台漢地方。初任驍騎校。康熙十三年。從副都統鄂申。征逆藩耿精忠。敗僞都督閆標于金華府。又隨副都統馬哈達。擊僞總兵徐尚朝。僞總兵陳元。張爾備等。又敗僞總兵徐尚朝等。於縉雲縣。僞騎都尉連登雲。僞總兵徐尚朝等。列陣於處州府對河陳灘頭地方。復隨副都統馬哈達。擊敗之。至石塘地方。有僞叅將鄭文鼎。徐元等。掘壕拒敵。隨都統喇哈達。擊敗之。又於石佛嶺。

地方。敗僞總兵陳得功。僞副將徐鼎先等。又敗僞總督趙得勝。僞將軍何佑等。於太平山。俱在行間。尋以疾卒。敘功。贈拖沙喇哈番。

鄂齊禮。蒙古鑲藍旗人。姓吳朗哈濟拉默氏。世居喀喇沁地方。初任佐領。康熙十三年。從征逆藩耿精忠。至江西。擊僞副將陳留音。朱二等。於鄱陽湖地方。三戰三敗之。十四年。至建昌府。隨安親王岳樂。敗賊帥邵連登等。於長興地方。又隨侍郎舒恕。敗賊將吳文備等。於宜黃縣之東山。俱在事有功。十五年。隨安親王岳樂。征逆藩吳三桂。敗僞將軍夏國相。李良棟等。於萍鄉縣東來龍山。二十五年。閏四月。議敘。授拖沙喇哈番。

拜度。蒙古鑲藍旗人。姓吳朗哈濟拉默氏。世居巴林地方。初任驍騎校。康熙十四年。從征察哈爾布爾尼。至大魯地方。我師列隊前進。賊伏兵自山谷來犯。拜度率本甲喇兵擊敗之。凱旋敘功。授拖沙喇哈番。

綽特畢。蒙古鑲藍旗人。姓努忒倫氏。世居喀喇沁地方。康熙十五年。以驍騎校。從征逆藩吳三

八旗通志 卷一百一十七
桂。至陝西。僞總兵石存禮。率賊一萬七千。在朝天關隘口。立三十餘營拒戰。綽特畢隨前鋒統領穆占。擊敗之。旋自蟠龍山。進至娘娘廟。敗僞將軍吳之茂。又擊敗張飛廟賊。及槐樹驛。小梅嶺。龍潭驛等賊。並在事有功。十六年十二月。議敘授拖沙喇哈番。同旗有驍騎校巴爾都者。姓朱格德氏。世居克西克騰地方。亦以是役。屢立戰功。得授拖沙喇哈番。

塞門蒙古鑲藍旗人。姓博蘇特氏。世居察哈爾地方。康熙十九年。以護軍校從征逆孽吳世璠。進雲南。擊賊於石門坎黃草壩。直至雲南省城。並在行間有功。二十五年。議敘授拜他喇布勒哈番。同旗有驍騎校達爾巴海。委署護軍校博爾赫。並以是役。在事有功。得授拖沙喇哈番。

音札納蒙古鑲藍旗人。姓幾忒氏。世居察哈爾地方。祖曰班布顧英。自察哈爾帶所屬人口來歸。授一等甲喇章京。世職。再傳至音札納。承襲一等阿達哈哈番。以從征雲南有功。加一拖沙喇哈番。後緣事削去所加。止襲祖職。

劉實蒙古鑲藍旗人。姓西魯克氏。世居巴林地

方初任佐領。康熙三十五年。從征厄魯特噶爾丹。奮勇敗賊。敘功授拖沙喇哈番。是役也。同旗有拖沙喇哈番品級章京輝塞多爾吉二人。並以力戰有功。授拖沙喇哈番。同旗又有永寶者。任牛录章京。於康熙五十七年。取招安藏有功。授拖沙喇哈番。

右俱鑲藍旗蒙古世職官

八旗通志初集卷之二百十八

勳臣傳十八

鑲黃旗漢軍世職官

方得勝 趙宗科

張遇恩

藺繼友 楊名聲

傅大受

高尙義 劉文高

裴登寬 子裴應虎

聶仲金

馬呈正 弟之子馬登魁于澤清

王國昇 唐國政

石調聲

郎廷樞

田啓賢

劉其芳

楊世隆 李正乾 齊建勳 張昌祐

盧國志

見名臣盧崇峻傳下同

盧延祚

正黃旗漢軍世職官

李獻箴

祖李如梧李向禹

子李向堯李向日

李向舜

張成德

子張所養

蔣成良

黃雲龍

單參

劉文進

楊松李武

趙民法

秦國政

楊燾

袁富龍

李良棟

馬成

馬自德

賈登元李起龍

尙安祿

見忠烈尙安福傳

正白旗漢軍世職官

何智機理

子拜音達理

劉惟國

祖邦武

張元勳

王仲善

線應琦

夏國柱

王棟

祖雲龍

李文玉

子李國瑞

劉芳名

稗音達理

陳養忠

裴有聲

趙成龍

子趙台星

錢有昇

馬顏

龔爾璞

謝永成

蔡瑜

正紅旗漢軍世職官

門世科 兄子門可貴 劉涵英 汪成功

吳國元 李汝通 岑貳 孫岑正朝

韓宗寶 魯重明 郭維秀 魯之道

吳裕 見名臣吳世俊傳下同 吳雲龍

方得勝漢軍鑲黃旗人。原係明大凌河都司。天聰五年。我兵圍大凌河。城破。同總兵祖大壽率眾投誠。授牛錄章京世職。崇德七年。八旗設立。佐領。將大凌河來歸人員。另編一佐領。以得勝管理。八年。從鄭親王濟爾哈朗。征明。攻前屯衛。中後所二城。率所部兵督火礮進攻。克之。以功加半個前程。順治七年。遇

恩詔。加為三等阿達哈哈番。同旗有趙宗科者。係明朝

大凌河守備。亦於天聰五年。隨祖大壽率眾投誠。授渾托和章京。順治元年。以軍功。授牛錄章

京世職。累陞鑲紅旗副都統。康熙元年。授江寧總兵官。

張遇恩。漢軍鑲黃旗人。天聰七年。隨靖南王耿仲明航海歸誠。後從征高麗。攻明錦州。松山。杏山等處。皆隨耿仲明征討有功。崇德元年。授三等甲喇章京。世職。隄襲七次。順治元年。隨耿仲明征勦湖廣廣東等處。七年。卒於江西之吉安府。

蘭繼友。漢軍鑲黃旗人。崇德三年。大兵征五里河臺。繼友率兵民二百二十人來歸。卽將投誠。人內賞給五十名。七年。管牛录事。八年。隨鄭親王濟爾哈朗。征明。攻前屯衛中後所。督紅衣礮有功。授半個前程。世職。順治七年。九年。三遇

恩詔。加至三等阿達哈哈番。同旗有楊名聲者。初任包衣牛录章京。順治元年。四月。隨睿王多爾袞入山海關。擊流賊。率包衣牛录兵力戰有功。授牛录章京。世職。

傅大受。漢軍鑲黃旗人。世居遼東。崇德六年。聚衆於石山站。時我師方圍錦州。尙未掘壕。一卒逃奔敵所。大受執殺之。并來報敵。兵將犯駱駝。

山。因遣兵往擊。盡殺之。以功授牛彖章京世職。順治二年。從定國大將軍豫親王多鐸平定江南。督本旗紅衣礮。攻取揚州府城。又從貝勒博洛征浙江。湖州賊黃蜚率衆出城來犯。三戰三敗之。七年。九年。

恩詔加世職爲二等阿達哈哈番。十三年。從征浙江舟山。僞總制陳六御。英毅伯阮思等。率兵二萬。船二百餘隻。列陣海上。督杭州駐防兵奮擊敗之。以功加世職爲一等阿達哈哈番。又加一拖沙喇哈番。

高尙義。漢軍鑲黃旗人。崇德七年。以分得撈什庫。從征明松山。掘壕困城。城中兵夜犯壕。塹隨大兵擊敗之。取塔山。杏山。前屯衛。中後所。諸處。皆督紅衣礮。攻擊有功。授半個前程。順治元年。從固山額真葉臣等。征山西太原城。克之。七年。九年。三遇。

恩詔加世職爲三等阿達哈哈番。康熙十五年。從征福建。逆藩耿精忠。用火礮攻取建寧府。同安縣。平和縣。石梅所。四城。加世職爲二等阿達哈哈番。同旗有劉文高者。初任牛彖章京。崇德八年。從

征明克前屯衛中後所二城俱在行間有功授
半個前程順治七年遇

恩詔加爲拜他喇布勒哈番。

裴登寬漢軍鑲黃旗人崇德八年以牛录章京
從鄭親王濟爾哈朗征明督放紅衣駝攻取中
後所前屯衛二城授半個前程順治二年從征
山西攻克太原城又同固山額真劉之源追獲
流賊馬總兵船隻六年從征叛鎮姜瓖圍大同
府攻取五城俱在行間有功加一拖沙喇哈番
七年九年二遇

恩詔累加至一等阿達哈哈番十四年卒子應虎襲父

世職康熙十三年隨鎮西將軍席卜臣往陝西
漢中府征勦叛提督王輔臣賊將王屏藩譚洪
率賊數千設土圍鹿角拒戰於漢中之猴子嶺
應虎率本旗兵擊敗之又敗僞將軍劉慶成精
騎數千僞總兵陳奉煥逆戰於張前湖營應虎
率兵奮擊譚洪擁衆自甲家營來援力戰敗之
又敗僞總兵楊應芳於溝家營十八年四月自
漢中府回至擂鼓臺山下王譚二賊率二萬餘
衆來犯應虎力戰陣亡加贈世職爲一等阿達

哈哈番。又一拖沙喇哈哈番。以其子裴弘道襲。

聶仲金。漢軍鑲黃旗人。初任牛錄章京。順治二年。隨豫親王多鐸南征。攻武岡寨。揚州府。嘉興府。江陰縣。四城。並在事督礮有功。授半個前程。七年。九年。三遇。

恩詔加至三等阿達哈哈番。十一年。隨靖南將軍朱瑪喇征勦廣東。破偽安西王李定國于新會縣山左。又破其象陣於山峪內。並在行間有功。加世職為二等阿達哈哈番。

馬呈正。漢軍鑲黃旗人。初任牛錄章京。順治六年。隨大兵征叛鎮姜瓖。圍大同。督紅衣礮攻取五城有功。授拖沙喇哈哈番。屢遇。

恩詔加為拜他喇布勒哈哈番。加一拖沙喇哈哈番。准襲三

次。康熙八年病故。以弟之子馬登魁襲。二十年。從征南大將軍賴塔。征逆孽吳世璠。連敗偽將軍何繼祖等兵於石門坎黃草壩。直至雲南省城下。會同三路大兵。敗偽將軍胡國秉等。以功加世職為三等阿達哈哈番。准再襲三次。同旗有于澤清者。其父于大鵬。為明朝末弁。順治二年。隨左夢庚來歸。授拖沙喇哈哈番。康熙九年。以

八旗通志 卷二百一十八
年老將職與澤清承襲。二十年澤清隨征南大將軍賴塔。征逆孽吳世璠。平雲南有功。加世職爲拜他喇布勒哈番。

王國昇。漢軍鑲黃旗人。順治六年管叅領事。從征山西叛鎮姜瓖。督紅衣礮克朔州汾州及太谷縣。十年從征湖南。擊僞秦王孫可望。十五年復從征貴州。由水路回兵至江南。海逆鄭成功犯江寧。國昇隨大兵。敗賊有功。授拜他喇布勒哈番。同旗有唐國政者。初任牛錄章京。亦以順治六年從征大同叛鎮姜瓖。督放紅衣礮有功。十六年亦從征貴州。回兵至江寧。協同本地官兵。破海寇鄭成功。尋議敘。授拖沙喇哈番。

石調聲。漢軍鑲黃旗人。順治十一年以牛錄章京銜從征廣東。隨靖南將軍朱瑪喇破僞安西王李定國。得授拖沙喇哈番世職。陞甲喇章京。駐防福建。以固山大調駐蘇州。康熙四年撤蘇州駐防兵。回京補授叅領。八年降佐領。十年授杭州副都統。十三年逆藩耿精忠叛。同正紅旗副都統鄂申巴圖魯禦賊于江山縣。與賊將馬九玉對壘。調聲身被重傷。撻城固守。糧盡三日

八旗通志 卷一百一十八
八
棄城出。復隨平南將軍賴塔。敗賊於衢州府。恢復浦江。義烏等縣。延塘一帶村落。悉皆蕩平。凡殺賊三萬九千。生擒者數百。十五年。奉命大將軍康親王傑書。以其功大。題授浙江提督。進勦福建。十九年。事平回任。二十一年。部議失陷江山縣事。革去世職。並革提督。

郎廷樞。字維垣。漢軍鑲黃旗人。山東巡撫郎永清長子。初補太學生。考授州同。康熙十二年冬。奸民楊起隆。詐稱朱三太子。糾黨謀叛。以紅帽裏爲號。約於京城內外放火舉事。廷樞家人黃才等四人與焉。廷樞察知其事。具獲首告。官兵廣爲搜捕。共獲賊數百人。廷樞以擒逆出首功。特給與二等阿達哈哈番世職。准襲五次。廷樞白兵部。言係候補州同。不敢濫膺此職。兵部

奏聞。

特旨以參政道用。仍帶世職。准承襲。十九年。授陝西平慶道。時逆黨王輔臣煽禍之後。陝以西。民生凋瘵。餘盜標掠。白晝肆行。廷樞撫緝招徠。流亡歸業。勸農桑。緩催科。元氣漸復。屬吏有捕盜不獲者。見良民十餘人。佩刀馳驅。遂執之。因羅織成

獄。廷樞廉得其狀。力爲超豁。自是政聲籍甚。二十年。陞廣東按察使。甫赴任。舟次佛山。值大兵凱還。廷樞留七日。送大兵出境。然後抵任。受事後。剔弊除奸。寃獄疑案。立爲讞決。未暮年。昭雪至三百餘事。粵地濱海。夙多伏莽。廷樞執盜魁陳學進。置之典刑。開其餘黨。一時陷賊民人。全活無數。亂後。士多失業。廷樞曰。明刑所以弭教也。亟檄師儒。行月課季考。力加培養。粵中奸徒。多霸佔行市。據津渡。侵鹽法者。盡爲釐剔。粵民尤苦夫役。抬運挽船。動以千百。悉革除之。有必用夫役者。悉從僱募。先是官此土者。每因山寇嘯聚。卽行請兵。據報緝賊。名曰摘勦。併害良善。玉石不分。廷樞禁止之。臬司衙門。舊止設囹圄一處。罪無輕重。悉收其中。廷樞爲捐俸。另造羈候一所。以待輕罪者。明年。陞授廣東布政使。廷樞以藩司爲錢穀重寄。凡徵收支放。無溢耗。無留難。禁止守令之私徵私派者。時海禁甚嚴。片板不得下洋。百姓蹙於生計。是年。例應入覲。遂具疏請寬海禁。以利窮民。

詔從所請。粵人羣感嘆曰。吾儕得謀生之路矣。二十六

年以父卒於山東。訃音至。哀毀致疾。倉皇北歸。士民扳轅遮道。創祠立石。以紀功德。二十七年病卒。子郎文煥襲其世職。仕至叅將。

田啓賢。漢軍鑲黃旗人。初任分得撥什庫。康熙十三年冬。陝西提督王輔臣叛降於逆藩吳三桂。十四年八月。啓賢隨振武將軍佛尼勒擊敗顏姓二僞副將於滴水崖。又敗賊於平嶺地方。僞總兵石存禮等率賊七千。猱猱五百餘。自四川出棧道。連營七座。於益門鎮拒敵。啓賢隨副都統鄂泰進擊敗之。又敗賊衆四千於仰天池山下。十五年。隨撫遠大將軍圖海敗王輔臣子王繼正兵於平涼城北護山墩。事平敘功。授拖沙喇哈番。三十九年卒。

劉其芳。漢軍鑲黃旗人。初其芳伯父劉君榮。仕於明。隨左夢庚歸順。授拜他喇布勒哈番。康熙元年病故。子起漢襲。起漢卒。無子。其芳以親叔子得承襲。三十五年。從征厄魯特。隨撫遠大將軍伯費揚古軍。至昭莫多地方。奮勇擊賊有功。加一拖沙喇哈番。准再襲一次。五十年二月。補授京口副都統。

楊世隆。漢軍鑲黃旗人。初任驍騎校。康熙二十年。從征南大將軍賴塔。征逆孽吳世璠。平定雲南。以功授拖沙喇哈番。准襲一次。三十五年。從撫遠大將軍伯費揚古。征厄魯特噶爾丹。由西路進戰有功。加世職為拜他喇布勒哈番。同旗有李正乾。齊建勳。張昌祐三人。並於康熙三十五年。以拖沙喇哈番章京銜。從征厄魯特。由西路進兵。破賊有功。授拖沙喇哈番。

右俱鑲黃旗漢軍世職官

李獻箴。漢軍正黃旗人。祖李如梧。明寧遠伯李

成樑子也。

國初。從明朝來歸。招集開原鐵嶺人戶。安插於鐵嶺城。論功。授遊擊。世職。病卒。獻箴襲牛录章京世職。以擒獲間諜。追斬逋逃有功。加授為三等甲喇章京。崇德八年。取明前屯衛時。以本甲喇紅衣礮攻城。克之。順治元年。隨定國大將軍豫親王多鐸。平定河南。二年。以本甲喇紅衣礮攻克武岡寨。揚州府。嘉興府。三城。論功。加世職為二等甲喇章京。七年。遇

恩詔。加授為一等阿達哈哈番。以年老告休。少子色冷

八旗通志卷一百一十八
承襲世職。長子向堯。順治元年。任駐馬路參將。五年。山西逆鎮姜瓖叛。闖家七十餘口殉難。向堯弟向舜。順治元年。以署甲喇章京。隨定國大將軍豫親王多鐸南征。督紅衣礮攻武岡寨。克其城。及攻揚州府。中礮歿於陣。贈世職半個。前程以其子林盛承襲。向舜弟向禹。由貢生。任山西陵川縣知縣。順治五年。逆鎮姜瓖叛。向禹罵賊不屈。闖家殉難。十五年。

特旨遣順天府府尹羅繪錦致祭。贈山西按察司僉事。廕其弟向旭以知縣職。向禹弟向日。順治八年。

任步軍校。康熙十三年。陞雲南曲靖府遊擊。十四年。隨提督李胡拜出征湖廣。被圍。竭力守城。至五月初七日。城陷。罵賊不屈而死。十六年。奉旨遣禮部員外郎馬奈致祭。

賜銀七百兩。追贈參將。廕其子李林祥為四品官。

張成德。漢軍正黃旗人。初任百總。以擒獲間諜。追殺逃人有功。授借禦世職。天聰五年。隨大兵取明大凌河。以礮克于子章。馬家湖。陳興堡。大凌河西。四臺。又同鄂本兌以礮擊敵。進攻奪其燾。崇德元年。從征朝鮮。攻覺華島。以紅衣礮擊

破敵船。二年。攻皮島。獲敵二戰艦。斬三十八人。超授三等甲喇章京。世職。是年從征明。攻杏山附近臺堡。率本甲喇紅衣礮攻克之。加世職爲二等甲喇章京。七年。取前屯衛。攻中後所。克之。加世職爲一等甲喇章京。病卒。子所養襲父職。順治七年。九年。三遇。

恩詔加至二等阿思哈尼哈番。十年。緣事降爲一等阿達哈哈番。兼一拖沙喇哈番。仕至副都統。病卒。子張緯襲世職。至康熙二十四年。追敘張所養勞績。征湖南時。擊敗賊孫可望馬步兵於岔路口。又從征陝西。逆鎮王輔臣。擊敗王輔臣之子王繼正於平涼。復授三等阿思哈尼哈番。世襲罔替。

蔣成良。漢軍正黃旗人。原係明朝武官。天聰五年。大兵破大凌河時。隨明總兵官祖大壽來歸。授備禦。世職。崇德八年。從攻明中後所。前屯衛二城。領紅衣礮克之。又加半個前程。順治七年。九年。三遇。

恩詔累加至一等阿達哈哈番。世襲罔替。以其子國柱承襲。

黃雲龍。漢軍正黃旗人。初爲兎虎堡撥什庫。天聰八年。陞管牛錄章京事。後以增益壯丁二百六十五名。緝獲逃人四十七名。又於產鹽地方守臺。鼓勵臺軍。周濟貧乏。滿洲。九年中。多著勞績。優授三等甲喇章京世職。世襲罔替。崇德八年病卒。子黃宮襲職。

單參。漢軍正黃旗人。初管牛錄章京事。順治元年。隨定國大將軍豫親王多鐸南征。攻武岡寨及揚州府。俱以紅衣礮克之。五年。山西逆鎮姜瓖叛。單參從征。攻克大同左衛等處。九年。隨將軍墨爾根轄征四川。駐師保寧府。僞撫南王劉文秀率賊五萬餘來犯。隨將軍出擊敗之。以功授拖沙喇哈番。病卒。子廷詔襲職。

劉文進。漢軍正黃旗人。初管牛錄章京事。順治五年。從巽親王滿達海征山西叛鎮姜瓖。經渾源州。左衛。朔州。汾州。府太谷縣。五戰皆捷。九年。敘功。授拖沙喇哈番。又連遇

恩詔累加。至拜他喇布勒哈番。兼一拖沙喇哈番。仕至貴州總兵官。以疾卒於任。又同旗有楊松者。亦任牛錄章京。以取前屯衛中後所軍功。授世職。

半個前程。遇順治七年

恩詔。加授拜他喇布勒哈番。又李武者。亦以累立軍功。得授拜他喇布勒哈番。十七年。出征雲南。卒於軍中。

趙民法。漢軍正黃旗人。康熙十四年。以守備從征福建海寇。恢復海壇。湄州。崇武。南日。平海。澳塗。泃州。潯尾。廈門。金門。等處。並在事有功。授拖沙喇哈番。

秦國政。漢軍正黃旗人。叔父永福。初爲明朝官。順治初。率兵來歸。授世職二等甲喇章京。以疾

卒。國政襲叔父職。康熙十八年。從征逆孽吳世璠。至廣西。敗僞將軍范齊韓。詹仰等。於陶屯。二

十年。隨征南大將軍賴塔。進雲南。奪石門坎。黃草壩。直至雲南省城。平定逆孽。並在行間有功。

二十五年。議敘。加世職爲一等阿達哈哈番。又一拖沙喇哈番。同旗有楊燾者。初任佐領。亦以

康熙二十年。隨征南大將軍賴塔。進征雲南。奪黃草壩。平定雲南。又隨都統希佛等。追敗僞將

軍馬寶。巴養元。於武磨山。並在事有功。授拖沙喇哈番。又有原任阿思哈尼哈番品級官袁富

龍驍騎校李良棟。並以從征逆孽吳世璠。由廣西直至雲南有功。各授拖沙喇哈番。

馬成。漢軍正黃旗人。父應瑞。係明朝官。同左夢庚來降。授拜他喇布勒哈番。成襲父職。康熙三十五年。從征厄魯特噶爾丹。隨大將軍伯費揚古。由西路進剿。敗賊有功。由拜他喇布勒哈番。加一拖沙喇哈番。

馬自德。漢軍正黃旗人。父進忠。係明朝官。受僞桂王朱由榔勅封僞漢陽王。進忠卒。自德率所屬來歸。授阿思哈尼哈番品級官。任火器營參

領。陞副都統。康熙三十五年。同撫遠大將軍伯費揚古領兵征厄魯特噶爾丹。敗賊於昭莫多。尋陞京口將軍。三十六年。議敘前功。授拖沙喇哈番。是役也。同旗有賈登元者。以驍騎校從征。亦在事有功。授拖沙喇哈番。又有李起龍者。父鐸。仕明朝。亦同左夢庚來降。授世職。拜他喇布勒哈番。起龍襲父職。亦以康熙三十五年。從撫遠大將軍伯費揚古。征厄魯特噶爾丹。由西路進兵。敗賊於克魯倫河。敘功。加一拖沙喇哈番。右俱正黃旗漢軍世職官。

何智機理漢軍正白旗人。原係明朝千總。天命七年。大兵取廣寧時。隨石廷柱來降。旋從征囊努格。斬殺三人。適

太祖高皇帝包衣下牧牛蒙古逃遁。何智機理同圖魯什。追擊斬之。從征董夔。俘獲甚衆。天聰三年。征明。至北京。差往薊州哨探。遇敵哨二人殺之。又敵兵三百來犯。獨奮勇直前。斬殺百總一人。得紀錄一次。天聰五年。從

太宗文皇帝征明。取大凌河。進圍錦州。擊敵爭先直入。斬殺敵兵。又敵兵來犯大凌河臺。奮勇殺人。生

擒一人。復用烏鎗擊殺敵兵樵採一人。城內有兵出戰。我軍前執燾人忽墜壕。何智機理救起。携回。又攻繇斯障。率領十人。用烏鎗擊中三人。八年。敘功。爲牛录章京。崇德三年。從揚威大將軍貝勒岳託。征明。至山東。率本固山兵。擊侯總兵敗之。五年。大兵圍錦州。隨大兵進戰。連敗松山杏山馬步兵。七年。復圍錦州。同固山額真石廷柱。擊山嘴步兵敗之。明經略洪承疇兵。自松山城遁入高橋南三臺。同四固山兵。用紅衣礮攻克之。斬殺一百餘人。進攻塔山城。又同固山

額真右廷柱。用紅衣礮克之。敘功居二等。又攻杏山附近臺。及杏山城。俱用紅衣礮克之。論功居一等。是年八月。加世職半個前程。八年。從奉命大將軍貝勒阿巴泰。征明。擊墻子嶺城南山。結寨敵兵。敗之。是年。又隨大兵攻中後所前屯衛二城。督放所管紅衣礮有功。順治元年。授世職爲二等甲喇章京。三年十月疾卒。子霸圖襲。七年。遇。

恩詔加至二等阿達哈哈番。霸圖卒。以霸圖弟拜音達理襲。尋以世職駐防廣東。康熙十五年。廣東提督嚴自明等叛。拜音達理率標員奮勇衝殺。砍斷鎖鑰。奪門而出。事聞。

朝廷嘉之。授一等阿達哈哈番。三十八年疾卒。子何天培襲。仕至鎮海將軍。署理江蘇巡撫。劉惟國。漢軍正白旗人。天聰初年從征。以擒獲明將遣來誘敵之人。又兩次遣往明將毛文龍處。俱能不違指授。八年。敘功。授牛录章京。世職。崇德七年。以年老乞休。以世職與弟之子承政襲。

祖邦武。漢軍正白旗人。本係明朝都司。天聰五

年七月。大軍圍大凌河。邦武隨明總兵祖大壽來降。授備禦世職。崇德八年。大軍攻中後所前屯衛二城。邦武隨大兵督放所管紅衣礮克之。順治元年。敘功。加半個前程。是年隨固山額真葉臣。往山西取太原府。仍督放紅衣礮克其城。後隨大兵征勦流賊。擊敗黃河岸駐劄賊兵。又於延安府擊敗道中賊兵。三年。同固山額真巴彥。墨爾根轄。往西安府。擊賊渠帥孫可法。賀珍及二隻虎等。俱敗之。又追敗賀珍兵於候止河。并擊敗僞將劉文炳兵。六年。從征大同叛鎮姜

瓌。攻渾源州。左衛。朔州。汾州。太谷縣。五城。邦武隨大軍督放本甲喇紅衣礮克之。七年。

恩詔。加授世職爲三等阿達哈哈番。復以功加授爲二等阿達哈哈番。九年。二次。

恩詔。加至一等阿達哈哈番。兼一拖沙喇哈番。世襲罔替。年老乞休。以世職與孫光璽襲。

張元勳。漢軍正白旗人。崇德三年。襲其叔父大國職。爲牛錄章京。順治元年。從定國大將軍豫親王多鐸南征。平定河南江南。取武岡山寨。揚州府二城。二年。從貝勒博洛。取嘉興府。江陰縣。

八旗通志 卷二百一十八
二城俱有功。議敘。加半個前程。尋兼任戶部員外郎。差往江寧管理織造。七年。

恩詔加世職爲三等阿達哈哈番。九年。

恩詔加爲二等阿達哈哈番。陞通政司知事。是年再遇

恩詔加爲一等阿達哈哈番。遷甲喇章京。尋陞本旗梅

勒章京。調京口副都統。緣事降世職爲三等阿

達哈哈番。以年老乞休。旋卒。

賜諭祭一次。

王仲善。漢軍正白旗人。初任分得撥什庫。崇德

六年。圍錦州。仲善同甲喇章京屯代。擊明經

洪承疇騎兵。敗之。七年。攻塔山。杏山。仲善以督

放紅衣礮。同大兵克其城。陞牛叅章京。八年。隨

鄭親王濟爾哈朗等。征寧遠。以督放紅衣礮。拔

中後所。前屯衛二城。順治元年。授半個前程。世

職。七年。遇

恩詔加授世職爲拜他喇布勒哈番。九年。遇

恩詔加一拖沙喇哈番。准襲三次。康熙五年。疾卒。孫愛

民襲。

線應琦。漢軍正白旗人。原係明朝中軍官。崇德

七年二月。大兵圍松山城。應琦同夏成德率衆

來歸。順治元年。敘功。授爲三等甲喇章京。後豫親王多鐸南征。平定河南江南時。攻揚州。嘉興二府。崑山。常熟等縣。並督放所管紅衣礮。克其城。三年。敘功。授爲二等甲喇章京。七年十月。

恩詔加爲一等甲喇章京。九年。兩遇。

恩詔加至三等阿思哈尼哈番。十年五月疾卒。以其叔父之子線應藻襲。

夏國柱。漢軍正白旗人。初爲明朝守備。崇德七年二月。大軍圍困松山城。國柱同明副將夏成德來降。順治元年。授牛彙章京。世職。二年。同固

山額真巴彥。墨爾根轄。征西安府。擊敗流賊賀珍。孫可法。馬步兵七萬餘。賀珍再集步兵。駐山上。拒敵。復領兵擊敗之。六年。擊敗流賊二隻。虎於烏撒城。又擊敗朔洛灣賊兵。是年。隨睿王多爾袞。征姜瓖。攻渾源州。左衛。朔州。汾州。太谷縣。國柱同祖邦武等。督放紅衣礮。連克五城。以功加三等阿達哈哈番。九年。兩次。

恩詔累加至一等阿達哈哈番。世襲罔替。康熙二十四年九月。引年。以世職與子益襲。

王棟。漢軍正白旗人。初任牛彙章京。崇德七年。

八旗通志 卷二百一十八
三
四月。鄭親王濟爾哈朗等征塔山。棟隨四固山兵。用紅衣礮攻其近城臺。克之。遂取塔山城。隨引兵取杏山城。棟用所管紅衣礮。同大兵擊克之。八月。敘功。授半個前程世職。八年。隨鄭親王征寧遠。以督放紅衣礮。同大兵攻克中後所前屯衛二城。順治元年。敘功。加授牛彙章京世職。二年十二月疾卒。子嗣德襲。

祖雲龍。漢軍正白旗人。初任牛彙章京。順治元年。大軍攻太原府。雲龍督放本甲喇紅衣礮。克其城。二年。隨大軍征流賊。遇延安府逃遁賊兵。擊敗之。六年。隨睿王多爾袞攻渾源州。左衛朔州。汾州府。太谷縣。五城。俱督放紅衣礮。克之。以功。授拖沙喇哈番。准襲一次。九年。兩遇。

恩詔累加授拜他喇布勒哈番。兼一拖沙喇哈番。加襲二次。十二年三月疾卒。子光璞襲。

李文玉。漢軍正白旗人。初爲分得撥什庫。順治元年。從大軍破流賊。至江南。攻嘉興。江陰。崑山。常熟。四城。文玉督放所管紅衣礮。克之。六年。征叛鎮姜瓖。攻山西渾源州。左衛朔州。汾州府。大谷縣。五城。文玉督放紅衣礮。克之。以功。授拖沙

喇哈番。准襲一次。九年兩次。

恩詔加至拜他喇布勒哈番。兼一拖沙喇哈番。加襲二次。十二年。從靖南將軍朱瑪喇。征廣東。僞晉王李定國。以步兵萬餘。踞新會縣之左山。拒敵。文玉率本固山兵。隨大兵。擊敗之。定國又以步兵四萬。於新會縣山峪內。列陣拒敵。文玉復擊敗之。十三年。敘功。由拜他喇布勒哈番。加授三等阿達哈哈番。再加襲一次。康熙三年。疾卒。孫國瑞襲祖職。三十五年。國瑞從征厄魯特。噶爾丹。道聞。

聖祖仁皇帝親征。已至克魯倫河。國瑞等激勵士卒。奮勇前進。隨大兵。敗賊於昭莫多地方。以功進二等阿達哈哈番。准襲四次。五十一年。病卒。削去恩詔。所加世職。存拜他喇布勒哈番。以子廷棟襲。

劉芳名。漢軍正白旗人。原係明朝官。來降。順治二年。從征浙江。擊殺流口賊首李才。招降其黨。平定象山縣。三年。寧夏兵變。逆賊王元馬德。殺陝西巡撫焦安民。爲亂。時芳名爲寧夏總兵官。方赴鞏昌。勦賊。聞變。馳回寧夏。解散叛黨。安輯人民。生擒賊首王元。洪大誥。斬之。其黨馬德。李

大鶚奔遁。四年七月。次第追擒。皆就戮。六年。同固山額真墨爾根轄。勦賊渠劉登樓等。賊潰奔榆林等處。芳名領兵追勦。擒斬登樓。榆林平。九年。論功。授二等阿達哈哈番。准襲五次。康熙元年。疾卒。子體仁襲。

裨音達禮。漢軍正白旗人。順治六年。以牛录章京。隨大軍征大同府。率兵擊敗賊衆。并克左衛朔州。澤州。汾州府。太谷縣。諸城。授拜他喇布勒哈番。兼一拖沙喇哈番。康熙十七年。疾卒。子石文彥襲。

陳養忠。漢軍正白旗人。初任牛录章京。順治六年。從征叛鎮姜瓖。攻左衛朔州。汾州。太谷等處。養忠用所管紅衣礮克其城。十年。征湖南。於岔路口。遇僞秦王孫可望馬步兵。養忠率本甲喇兵。隨大兵對陣。敗之。以功。授拖沙喇哈番。准襲一次。十一年。隨寧海大將軍宜爾德。往浙江征舟山。僞英毅伯阮思率賊船百餘。於海上拒敵。養忠同梅勒章京柯永蓁。乘戰艦擊敗之。又敗僞總制陳六御。僞英毅伯阮思。叛賊張洪德等衆三萬餘於海上。十四年。敘功。加世職。爲拜他

喇布勒哈番。准再襲二次。康熙二十八年五月。以老病休。子嘉策襲。

裴有聲。漢軍正白旗人。初任牛泉章京。順治十年。從貝勒屯齊。征湖南等處。著有功績。授拖沙喇哈番。十七年七月疾卒。子振隆襲。

趙成龍。漢軍正白旗人。初爲分得撥什庫。順治十五年。從征貴州。有僞總兵羅大順於十萬崎山擁賊兵拒戰。成龍率本旗兵連次擊敗之。十六年六月。凱還。由水路至江南。值海賊鄭成功等陷鎮江瓜州。直犯江寧。賊兵三萬餘衆。登岸拒敵。成龍率本甲喇兵。同各路兵戰敗之。又敗賊兵十萬餘於山上。十七年。敘功。授拖沙喇哈番。准襲一次。康熙十八年八月疾卒。子台星襲父職。康熙二十年。台星從征雲南吳逆。僞將軍何繼祖。王弘勳。王有功。張光先等。率賊衆二萬。在黃草壩拒敵。台星率本甲喇兵。隨征南大將軍賴塔擊敗之。隨進兵取雲南城。僞將軍胡國秉等。領賊萬餘。出城拒敵。復擊敗其衆。二十五年。由拖沙喇哈番。加一拖沙喇哈番。授拜他喇布勒哈番。准襲一次。二十八年六月疾卒。弟明

星襲。

錢有昇漢軍正白旗人。初爲五品官。順治十六年。從征貴州。凱還。至江寧。值海寇鄭成功陷鎮江瓜州。逼江寧。賊兵三萬餘人。由陸路來戰。有昇隨梅勒章京噶褚哈。率本甲喇兵敗之。又敗賊兵十萬餘於山上。康熙五年。駐防廣東。征勦逆賊蘇利。時蘇利下僞總兵于信。何尙子等。擁衆五千餘。於高峯石列陣拒戰。有昇領兵奮擊。賊敗走。復聚賊兵二千餘。於草尾林拒戰。擊敗之。又敗僞總兵陳彥鴻賊兵於靖海所。康熙六

年。敘功。授拖沙喇哈番。准襲一次。四十三年疾卒。子秉忠襲。

馬顏漢軍正白旗人。康熙十五年。以甲喇章京。從征陝西。叛提督王輔臣之子僞總兵王繼貞等。領馬步賊兵萬餘。於平涼城外迎戰。顏率本甲喇兵擊敗之。十七年。征湖廣。隨討逆將軍鄂內等。泊船柳林嘴君山兩處。僞將軍杜輝。巴養元。姜義等。擁二萬餘衆。乘船二百餘。向柳林嘴來犯。顏同大兵乘戰艦擊敗之。杜輝又乘船五十餘。擁衆萬餘。犯君山。顏同看守火藥營兵迎

八旗通志 卷三十一
擊。斬獲甚衆。又敗杜輝等賊船二百餘。賊衆一萬五千餘。於鷺鷥口。二十年。隨大兵抵雲南。僞將軍胡國秉。劉起隆。黃明等。擁賊萬餘。出雲南城拒戰。顏領本甲喇兵。隨大兵擊敗之。二十五年疾卒。追敘功績。授拖沙喇哈番。子士進襲。再准襲一次。

龔爾璞。漢軍正白旗人。康熙二十一年。授京口驍騎校。二十三年。陞西安府防禦。三十五年。從撫遠大將軍伯費揚古。由西路征厄魯特。噶爾丹。擊敗賊衆於昭莫多。以功。授拖沙喇哈番。准襲一次。四十二年。陞授西安府叅領。五十八年疾卒。子祖培襲。

謝永成。漢軍正白旗人。康熙三十五年。以協領從撫遠大將軍伯費揚古。征厄魯特。噶爾丹。勵衆奮勇。同大兵擊敗賊衆於昭莫多。以功。授拖沙喇哈番。准襲一次。康熙四十六年。因年老乞休。以兄之子文玉襲。

蔡瑜。漢軍正白旗人。以叅領爲礮營。夸蘭大。取詔安藏。領官兵深入險阻。盡收其地。雍正二年十二月。授拖沙喇哈番。准襲一次。

右俱正白旗漢軍世職官

門世科漢軍正紅旗人。世居錦州地方。崇德四年。大兵征錦州。世科密約五十人來降。事覺。爲明兵圍困。獨世科突圍出。遂來歸。

太宗文皇帝授以牛彖章京世職。旣卒。以兒子門可旌襲職。順治七年。遇

恩詔。加一拖沙喇哈番。可旌卒。弟可貴襲職。康熙十三年。可貴隨征逆藩耿精忠。至浙江開化縣。與賊戰於花堡地方。陣亡。十七年。議卹。加贈爲三等阿達哈哈番。以其弟門可忠襲職。

劉涵英漢軍正紅旗人。崇德八年。隨鄭親王濟爾哈朗。征明。取前屯衛。中後所。督放紅衣礮。克城有功。授牛彖章京世職。七年。九年。三遇

恩詔。加至二等阿達哈哈番。同旗有汪成功者。初任牛彖章京。亦以崇德八年。隨征明。克中後所。前屯衛。二城有功。授半個前程世職。順治七年。九年。三遇

恩詔。加至三等阿達哈哈番。尋卒。子汪世臣襲父職。仕至廣東副都統。自有傳。

吳國元漢軍正紅旗人。初任牛彖章京。順治元

年。隨豫親王多鐸。征江南。二年。隨貝勒博洛。往定浙江。督放紅衣礮。攻金華府城。克之。六年。從睿王多爾袞。征大同。叛鎮姜瓖。督放紅衣礮。克渾源州。又隨巽親王滿達海。攻左衛。朔州。汾州。府關廂。大谷縣等城。以功。授拖沙喇哈番。世職。七年。九年。三遇。

恩詔。加世職。至拜他喇布勒哈番。又一拖沙喇哈番。同旗。有李汝通者。任分得撥什庫。亦以順治元年。從豫親王多鐸。南征。平定河南江南。督放紅衣礮。攻克六城。在事有功。六年。授拖沙喇哈番。世職。七年。九年。三遇。

恩詔。加至三等阿達哈哈番。

岑貳。漢軍正紅旗人。順治十五年。以分得撥什庫。隨梅勒章京噶褚哈。征貴州。十六年。師旋至江南。適海賊鄭成功等。陷鎮江瓜州。來犯江寧。岑貳隨凱旋將士。協同本地方官兵。擊敗海賊。追至鎮江。事平。以功。授拖沙喇哈番。世職。孫岑正朝襲。康熙三十五年。隨撫遠大將軍伯費揚古。征厄魯特噶爾丹。由西路進兵。敗賊於昭莫多。敘功。加一拖沙喇哈番。授為拜他喇布勒哈

番。

韓宗寶。漢軍正紅旗人。康熙二十年。以佐領隨征南大將軍都統賴塔。由廣西進征逆孽吳世璠。破黃草壩。直抵雲南省城。會同三路大兵。平定雲南。二十五年。敘功。授拖沙喇哈番世職。同旗有魯重明者。亦於康熙二十年。以候補員外郎。隨賴塔征逆孽吳世璠。破石門坎。黃草壩等處。平定雲南。在事有功。二十五年。議敘。授拖沙喇哈番世職。又有署章京郭維秀者。亦以是役在行間有功。授拖沙喇哈番世職。

魯之道。漢軍正紅旗人。康熙三十五年。以拖沙喇哈番品級章京。隨撫遠大將軍伯費揚古。征厄魯特噶爾丹。由西路進兵。敗賊於昭莫多。三十六年。敘功。授拖沙喇哈番世職。

右俱正紅旗漢軍世職官

Large watermark seal in the center of the page, likely reading '上海圖書館藏' (Collection of Shanghai Library).

Small square seal impression at the bottom center, containing the characters '上海圖書館藏' (Collection of Shanghai Library).

